

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitad legala.

Ordinaziun davart il stadi civil (OSC)

dals 28 d'avrigl 2004 (versiun dal 1. d'avrigl 2021)

Il Cussegl federal svizzer,

sa basond sin ils artitgels 40, 43a, 44 alinea 2, 45a alinea 3, 48, 103 e sin il titel final da l'artitgel 6a alinea 1 dal Cudesch civil svizzer¹ (CCS) sco er sin l'artitgel 8 da la Lescha da partenadi dals 18 da zercladur 2004² (LPart),³ *decretescha:*

1. chapitel Disposiziuns generalas

Art. 1⁴ Circuls da stadi civil

¹ Ils circuls da stadi civil vegnan fixads dals chantuns uschia ch'i resulta in grad d'occupaziun grond avunda per ils funcziunaris da stadi civil per ch'ina execuziun fidada e professiunala da las incumbensas è garantida. Il grad d'occupaziun importa almain 40 pertschient. El vegn calculà unicamain sin basa da las activitads da l'uffizi da stadi civil.

² Il Departament federal da giustia e polizia (DFGP) po permetter en cas motivads spezialmain sin dumonda da l'autorità chantunala da surveglianza dal stadi civil (autorità da surveglianza) excepziuns dal grad d'occupaziun minimal. L'autorità da surveglianza decida en atgna responsabladad, sche l'excepziun sa referescha mo al grad d'occupaziun dal funcziunari da stadi civil e sche la grondezza dal circul da stadi civil na vegn betg midada. L'execuziun fidada e professiunala da las incumbensas sto esser garantida en mintga cas.

³ Circuls da stadi civil pon cumpigliar vischnancas da plirs chantuns. En encliegentscha cun l'Uffizi federal dal stadi civil (UFSC) fan ils chantuns participads las cunvegns necessarias.

AS 2004 2915

¹ SR 210

² SR 211.231

³ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

⁴ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁴ Ils chantuns communitgeschan mintga midada d'in circul da stadi civil ordavant al UFSC.

Art. 1a⁵ Sedia uffiziala e locals d'uffizi

¹ Ils chantuns designeschan la sedia uffiziala per mintga circul da stadi civil.

² Ils chantuns communitgeschan la dischlocaziun d'ina sedia uffiziala ordavant al UFSC.

³ En mintga circul da stadi civil vegn designà almain in local d'uffizi che stat gratuitamain a disposiziun per celebrar maridaglias e per constituer partenadis registrads.

⁴ L'utilisaziun d'auters locals per celebrar maridaglias e per constituer partenadis registrads sutstata a la permissiun da l'autorità da surveglianza; resalvads restan ils cas tenor ils artitgels 70 alinea 2 e 75i alinea 2.

Art. 2 Uffizis da stadi civil spezials

¹ Ils chantuns pon installar uffizis da stadi civil spezials, dals quals il circul da stadi civil cumpiglia l'entir territori chantunal. Els designeschan lur sedia uffiziala, nun che quella saja identica cun tala d'in uffizi da stadi civil ordinari.⁶

² Als uffizis da stadi civil spezials pon els attribuir las suandantas incumbensas:

- a. documentaziun da decisiuns estras u da documents esters davart il stadi civil sin basa da disposiziuns da l'atgna autorità da surveglianza (art. 32 da la LF dals 18 da dec. 1987⁷ davart il dretg internaziunal privat, LDIP);
- b. documentaziun da sentenzias u da disposiziuns da las dretgiras u da las autoritads administrativas da l'agen chantun;
- c.⁸ documentaziun da disposiziuns administrativas da la Confederaziun, sche agens burgais chantunals èn pertutgads, u da sentenzias dal Tribunal federal, sch'ina dretgira u in'autorità administrativa da l'agen chantun ha decidi en emprima instanza.

³ Els pon attribuir questas incumbensas er ad uffizis da stadi civil ordinaris.

⁴ Plirs chantuns pon furmar uffizis da stadi civil spezials cuminaivels. En enclegientscha cun il UFSC⁹ fan els las curvegns necessarias.

Art. 3 Lingua uffiziala

¹ La lingua uffiziala sa drizza tenor la regulaziun chantunala.

⁵ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁶ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁷ SR 291

⁸ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

⁹ Noziun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061). Questa midada è vegnida resguardada en l'entir decret.

² I sto vegnir consultada ina persuna ch'intermediescha linguisticamain, sche la chapientscha n'è betg garantida en connex cun in act uffizial. Ils custs ston vegnir purtads da las persunas privatas participadas, nun ch'i sa tractia d'ina intermediaziun linguistica per persunas surdas.

³ Il funcziunari da stadi civil fixescha en scrit las personalias da la persuna ch'intermediescha linguisticamain, renda attenta quella a sia obligaziun da dir la vardad ed a las consequenzas penalas d'ina intermediaziun faussa.

⁴ Documents che n'èn betg redigids en ina lingua uffiziala svizra pon vegnir refusads, sch'els n'èn betg accumpagnads d'ina translaziun legalisada en tudestg, franzos u talian.

⁵ Las autoritads dal stadi civil procuran per la translaziun, uschenavant che quai è necessari e pussaivel.

⁶ Ils custs da la translaziun ston vegnir purtads da las persunas privatas participadas.

Art. 4¹⁰ Funcziunari da stadi civil

¹ Ils chantuns attribueschan a mintga uffizi da stadi civil il dumber necessari da funcziunaris da stadi civil. Els nomineschan ina da questas persunas sco directura e reglan la substituziun.

² In funcziunari da stadi civil po esser responsabel per plirs circuls da stadi civil.

³ La nominaziun u l'elecziun ad in funcziunari da stadi civil premetta:

- a. il dretg da burgais svizzer;
- b. l'abilitad d'agir;
- c. il certificat professiunal federal per funcziunaris da stadi civil.

⁴ Sch'ina da las persunas che duess vegnir nominada u elegida na posseda betg il certificat professiunal, vegn fixà cun la permissiun da l'autorità da surveglianza in termin en la disposiziun da nominaziun u d'elecziun per acquistar quest certificat. En cas excepziunals motivads vegn prolungà il termin en enlegientscha cun l'autorità da surveglianza.

⁵ Fin a l'acquist dal certificat professiunal decida l'autorità da surveglianza en enlegientscha cun il manader da l'uffizi da stadi civil davart il sector d'actività d'in funcziunari da stadi civil, e quai resguardond las enconuschientschas specificas teoreticas e praticas acquistadas.

⁶ Ils chantuns pon prescriber ulteriuras premissas per nominar u per eleger in funcziunari da stadi civil.

¹⁰ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

Art. 5¹¹ Represchentanza da la Svizra a l'exteriur

¹ Las represchentanzas da la Svizra a l'exteriur han en spezial las suandantas incumbensas en ils fatgs dal stadi civil:¹²

- a. infurmar e cussegljar las persunas pertutgadas;
- b. acquistiar, retschaiver, legalisar, translatar e transmetter decisziuns e documents externs davart il stadi civil;
- c. retschaiver e transmetter dumondas e decleraziuns per la maridaglia (art. 63 al. 2 e 65 al. 1) u per constituir in partenadi registrà (art. 75b al. 2 e 75d al. 1) en Svizra, tadlar ils spus (art. 74a al. 2) u las partenarias ed ils partenaris (art. 75m al. 2) e transmetter attests d'abilitad da maridar svizzers, sch'ina maridaglia duai vegnir celebrada a l'exteriur (art. 75);
- d. retschaiver e transmetter decleraziuns davart la paternitad (art. 11 al. 6), sch'i n'è betg pussaivel da documentar a l'exteriur la renconuschientscha da l'uffant;
- e.¹³ retschaiver e transmetter decleraziuns davart il num (art. 12 al. 2, 12a al. 2, 13 al. 1, 13a al. 1, 14 al. 2, 14a al. 1, 37 al. 4 sco er 37a al. 5);
- f. sclerir dretgs da burgais communal e chantunals ed il dretg da burgais svizzer;
- g. controllar l'autenticitad da documents esters;
- h. acquistiar e transmetter infurmaziuns davart il dretg ester;
- i. incassar taxas.

² Ellas communitgeschan a l'uffizi da stadi civil ed a l'autoritad da surveglianza per mauns da l'autoritad chantunala responsabla per las persunas estras fatgs che laschan supponer, che la constituziun dal partenadi registrà intenziunada u succedida ha l'intent da guntgir las disposiziuns davart l'admissiun e davart la dimora da persunas estras (art 82a da l'O dals 24 d'oct. 2007¹⁴ davart l'admissiun, la dimora e l'activitad da gudogn, OADA).¹⁵

³ Il UFSC decretescha las directivas necessarias ed exequescha la surveglianza.

¹¹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹² Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹³ Versiun tenor la cifra I da l'O dals 14 da matg 2014, en vigur dapi il 1. da fan. 2014 (AS 2014 1327).

¹⁴ SR 142.201

¹⁵ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

Art. 6¹⁶ Formulars dal stadi civil

Il UFSC determinescha ils formulars che ston vegnir duvrads en ils fatgs dal stadi civil sin palpìri u en furma electronica per emetter documents dal register da stadi civil.

Art. 6a¹⁷ Register da stadi civil

¹ Sco register da stadi civil vala la totalitad da tut ils registers che vegnan manads dapi l'onn 1876 sin palpìri u en furma electronica (register da las naschientschas, register dals mortoris, register matrimonial, register da las renconuschentschas, register da legitimaziun, register da famiglia e register da stadi civil).

² Sco register da stadi civil vala il register electronic che vegn manà sa basond sin l'artitgel 39 alinea 1 CCS e che remplazza ils registers da stadi civil manads sin palpìri.¹⁸

³ Registers da stadi civil ch'èn vegnids manads avant las periodas menziunadas en l'artitgel 92a alinea 1 valan sco archivalias.¹⁹

2. chapitel Object da la documentaziun**Art. 7** Stadi civil

¹ L'object da la documentaziun è il stadi civil (art. 39 al. 2 CCS).

² Registrads vegnan:

- a. naschientscha;
- b. uffant chattà;
- c. mort;
- d. mort d'ina persuna d'ina identitad betg enconuschenta;
- e. decleraziun concernent il num;
- f. renconuschentscha d'in uffant;
- g. dretg da burgais;
- h. preparaziun da la lètg;
- i. lètg;
- j. schliaziun da la lètg;

¹⁶ Versiun tenor la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronicas, en vigur dapi il 1. da favr. 2018 (AS 2018 89).

¹⁷ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁸ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

¹⁹ Integrà tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

- k. midada dal num;
- l. relaziun da figlialanza;
- m. adopziun;
- n. decleraziun da spariziun;
- o. midada da la schlattaina;
- p.²⁰ preparaziun per registrar in partenadi;
- q.²¹ registraziun dal partenadi;
- r.²² schliaziun d'in partenadi registrà.

Art. 8 Datas

Las suandantas datas vegnan administradas en il register da stadi civil:

- a. datas dal sistem:
 - 1. numers dal sistem,
 - 2. tip da l'inscripziun,
 - 3. status da l'inscripziun,
 - 4. glistas (vischnancas, circuls da stadi civil, stadis, adressas);
- b.²³ numer d'assicuranza tenor l'artitgel 50c da la Lescha federala dals 20 da december 1946²⁴ davart l'assicuranza per vegls e survivents (numer d'assicuranza da la AVS);
- b^{bis}.²⁵ ...
- c. num:
 - 1. num da famiglia,
 - 2. num da nubil,
 - 3. prenums,
 - 4. auters nums uffizials;
- d. schlattaina;
- e. naschienscha:
 - 1. data,
 - 2. uras,

²⁰ Integrà tras la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

²¹ Integrà tras la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

²² Integrà tras la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

²³ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS **2010** 3061).

²⁴ SR **831.10**

²⁵ Integrà tras la cifra 2 da l'aggiunta da l'O dals 21 da nov. 2007 davart l'armonisaziun dals registers (AS **2007** 6719). Aboli tras la cifra I da l'O dals 4 da zer. 2010, cun effect dapi il 1. da schan. 2011 (AS **2010** 3061).

3. lieu,
 4. naschientscha d'in uffant mort;
- f. stadi civil:
- 1.²⁶ status (nubil – maridà/divorzià/vaiv/betg maridà – en in partenadi registrà/partenadi schlià: partenadi schlià tras ina sentenza giudiziala/partenadi schlià tras la mort/partenadi schlià tras ina decleraziun da spariziun),
 2. data;
- g. mort:
1. data,
 2. uras,
 3. lieu;
- h.²⁷ domicil;
- i. lieu da dimora;
- j. status da vita;
- k.²⁸ protecziun da creschids:
1. constituziun d'in mandat preventiv e lieu, nua ch'el è deposità (art. 361 al. 3 CCS),
 2. curatella cumplessiva u efficacitad d'in mandat preventiv pervia d'invaliditad permanenta da giuditgar (art. 449c CCS);
- l. geniturs:
1. num da famiglia da la mamma,
 2. prenums da la mamma,
 3. auters nums uffizials da la mamma,
 4. num da famiglia dal bab,
 5. prenums dal bab,
 6. auters nums uffizials dal bab;
- m. geniturs adoptivs:
1. num da famiglia da la mamma adoptiva,
 2. prenums da la mamma adoptiva,
 3. auters nums uffizials da la mamma adoptiva,
 4. num da famiglia dal bab adoptiv,
 5. prenums dal bab adoptiv,
 6. auters nums uffizials dal bab adoptiv;

²⁶ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

²⁷ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

²⁸ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

- n. dretg da burgais / naziunalitad:
 1. data (valaivla a partir da/valaivla fin),
 2. motiv da l'acquist,
 3. remartga tar il motiv da l'acquist,
 4. motiv da la perdita,
 5. remartga tar il motiv da la perdita,
 6. referenza dal register da famiglia,
 7. dretg da burgais u dretg da corporaziun;
- o. datas concernent la relaziun:
 - 1.²⁹ tip (relaziun matrimoniala/partenadi registrà/relaziun da figlialanza),
 2. data (valaivla a partir da/valaivla fin),
 3. motiv da l'annullaziun.

Art. 8a³⁰ Assegnaziun dal numer d'assicuranza da la AVS

L'Uffizi central da cumpensaziun da l'assicuranza per vegls e survivents (UCC) attribuescha il numer d'assicuranza da la AVS a la persuna annunziada tenor l'artitgel 53 alinea 1.

Art. 9 Naschientscha

¹ Sco naschientschas vegnan documentadas las naschientschas d'in uffant viv e las naschientschas d'in uffant mort.

² Sco uffant naschi mort vegn designà in uffant che vegn sin il mund senza segns da vita e che ha in pais da naschientscha d'almain 500 grams u che ha ina vegliadetgna da gestaziun d'almain 22 emnas cumplenidas.³¹

³ En cas d'uffants naschids morts pon vegnir registrads il num da famiglia ed ils prenums, sche las persunas che han il dretg da dar ils prenums giavischan quai (art. 37c al. 1).³²

Art. 9a³³ Spersa

¹ Sco uffant spers vegn designà in uffant che vegn sin il mund senza segns da vita e che n'ha ni in pais da naschientscha d'almain 500 grams ni ina vegliadetgna da gestaziun d'almain 22 emnas cumplenidas.

²⁹ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

³⁰ Integrà tras la cifra 2 da l'aggiunta da l'O dals 21 da nov. 2007 davart l'armonisaziun dals registers, en vigur dapi il 1. da schan. 2008 (AS 2007 6719).

³¹ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

³² Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

³³ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

² Ina spersa po vegnir annunziada a l'uffizi da stadi civil. Sin dumonda emetta quel ina conferma. La dumonda po vegnir inoltrada da la dunna che ha gi la spersa u da l'um che declera en scrit dad esser il schendrader. La conferma vegn emessa, sche la spersa ha gi lieu en Svizra u sche la persuna petenta ha ses domicil u sia dimora ordinaria en Svizra u è burgaisa svizra.

³ Ina spersa na vegn betg documentada en il register da stadi civil e betg annunziada a l'Uffizi federal da statistica. Sch'ella ha dentant lieu ensemen cun ina naschientscha tenor l'artigel 9, vegn ella documentada sin giavisch.

Art. 9b³⁴ Furma da l'annunzia, cumpetenzza, conservaziun

¹ L'annunzia d'ina spersa sto vegnir inoltrada sin in formular che po vegnir chargià giu da la pagina d'internet dal UFSC³⁵. Ella sto vegnir sutscritta da la persuna che fa l'annunzia.

² A l'annunzia ston vegnir aggiuntads ils suandants documents:

- a. ina copia dal passaport, da la carta d'identitad u d'in document d'identitad equivalent da la persuna che fa l'annunzia;
- b. in'attestaziun da la spersa tras il medi u tras la dunna da part.

³ Cumpetent per retschaiver l'annunzia è mintga uffizi da stadi civil.

⁴ L'uffizi da stadi civil tegna en salv l'annunzia ensemen cun ils auters documents. Ils artigels 31–33 èn applitgabels tenor il senn.

Art. 9c³⁶ Conferma da la spersa

¹ L'uffizi da stadi civil conferma la spersa; per quest intent metta il UFSC a disposiziun in formular.

² En la conferma vegn inscritta sco mamma la dunna che ha gi la spersa. Sco bab vegn inscrit l'um che declera en scrit dad esser il schendrader.

³ Sin giavisch da la persuna che fa l'annunzia pon vegnir inscrits en la conferma il num ed ils prenums da l'uffant spers. Per tscherner il num da l'uffant spers valan ils artigels 37 e 37a tenor il senn; en cas da motivs respectabels poi vegnir divergià da quests artigels.

Art. 10 Uffant chattà

Sco uffant chattà vala in uffant mess a l'abandun da derivanza nunenconuschenta.

³⁴ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

³⁵ Il formular po vegnir chargià giu gratuitamain da la pagina d'internet www.eazw.admin.ch.

³⁶ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

Art. 11 Renconuschientscha d'in uffant

¹ Sco renconuschientscha d'in uffant vala la renconuschientscha tras il bab d'in uffant che stat en ina relaziun da figlialanza mo cun la mamma.

² La renconuschientscha po succeder avant la naschientscha da l'uffant.

³ Exclusa è la documentaziun da la renconuschientscha d'in uffant adoptà.

⁴ Sche l'autur da la renconuschientscha è minorenn, sch'el stat sut curatella cumplexiva (art. 398 CCS) u sch'el è l'object d'in mandat preventiv pervia d'inabilitad permanenta da giuditgar (art. 449c cifra 2 CCS), sto ses represchentant legal dar en scrit il consentiment necessari (art. 260 al. 2 CCS). Las cumpetenzas da represchentanza ston vegnir cumprovadas e las sutscrizziuns ston vegnir legalisadas.³⁷

⁵ La declaraziun da la renconuschientscha po – cun resalva da l'artitgel 71 alinea 1 LDIP³⁸ – vegnir retschavida da mintga funcziunari da stadi civil. Sch'i n'è betg pussaivel per l'autur da la renconuschientscha da cumparair persunalmain, po la declaraziun vegnir retschavida ordaifer ils locals d'uffizi.³⁹

⁶ En cas excepziunals motivads spezialmain po la documentaziun vegnir fatga ordaifer l'uffizi da stadi civil, numnadain tras in funcziunari da stadi civil ch'è cumpetent al lieu nua ch'i sa chatta ina clinica u in stabiliment giudizial, u tras intermediaziun da la represchentanza cumpetenta da la Svizra a l'exteriur.

⁷ La renconuschientscha d'in uffant sto vegnir communitgada – renviend als artitgels 260a–260c CCS – a la mamma sco er a l'uffant u – sunter sia mort – als descendents.

Art. 11a⁴⁰ Conseguenza da la renconuschientscha per il num da l'uffant

Sche l'uffant vegn renconuschì dal bab e sche quai n'è betg l'emprim uffant cuminaivel dals geniturs che n'èn betg maridads in cun l'auter, survegn el – independen-tain da l'attribuziun da la tgira geniturala – il num da nubil dal genitur ch'ils ulteriurs uffants cuminaivels da quests geniturs portan tenor l'artitgel 270a CCS.

Art. 11b⁴¹ Renconuschientscha e decleraziun davart la tgira geniturala cuminaivla

¹ Ils geniturs fan la decleraziun davart la tgira geniturala cuminaivla tenor l'artitgel 298a alinea 4 emprima frasa CCS cuminaivlamain ed en scrit envers il funcziunari da stadi civil che retschaiva la decleraziun davart la renconuschientscha.⁴²

³⁷ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

³⁸ SR 291

³⁹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁴⁰ Integrà tras la cifra I da l'O dals 14 da matg 2014, en vigur dapi il 1. da fan. 2014 (AS 2014 1327).

⁴¹ Integrà tras la cifra I da l'O dals 14 da matg 2014, en vigur dapi il 1. da fan. 2014 (AS 2014 1327).

⁴² La rectificaziun dal 1. da fan. 2014 concerna mo il text franzos (AS 2014 2049).

² A medem temp fan els ina cunvegna davart l'imputaziun da la bunificaziun d'educaziun tenor l'artitgel 52^{bis} alinea 3 da l'Ordinaziun dals 31 d'october 1947⁴³ davart l'assicuranza per vegls e survivents u inoltreschan ina tala cunvegna entaifer 3 mais tar l'autorità per la protecziun d'uffants responsabla.⁴⁴

Art. 12⁴⁵ Decleraziun concernent il num avant la maridaglia

¹ Envers il funcziunari da stadi civil che fa la procedura da preparaziun per la maridaglia u che fa la ceremonia nupziala fan ils spus la decleraziun tenor l'artitgel 160 alinea 2 u 3 CCS.

² En cas d'ina maridaglia a l'exteriur po la decleraziun vegnir consegnada a la represchentanza da la Svizra u a l'uffizi da stadi civil dal lieu d'origin u dal domicil svizzer da la spusa u dal spus.

³ Las sottascripziuns vegnan legalisadas, sche la decleraziun concernent il num vegn consegnada independentamain da la procedura da preparaziun.

Art. 12a⁴⁶ Decleraziun concernent il num avant che documentar il partenadi registrà

¹ Las partenarias u ils partenaris pon far la decleraziun tenor l'artitgel 12a LPart envers il funcziunari da stadi civil che fa la procedura preliminar concernent la registraziun dal partenadi u che documentescha il partenadi registrà.

² Sch'il partenadi vegn registrà a l'exteriur, po la decleraziun vegnir consegnada a la represchentanza da la Svizra u a l'uffizi da stadi civil dal lieu d'origin u dal domicil svizzer d'ina da las partenarias u d'in dals partenaris.

³ Las sottascripziuns vegnan legalisadas, sche la decleraziun concernent il num vegn consegnada independentamain da la procedura preliminar.

Art. 13⁴⁷ Decleraziun concernent il num sunter la schliaziun da la lètg

¹ Suenter che la lètg è vegnida schliada po la conjugala u il conjugal consegnar la decleraziun tenor l'artitgel 30a u 119 CCS a mintga funcziunari da stadi civil en Svizra u a la represchentanza da la Svizra a l'exteriur.

² La sottascripziun vegn legalisada.

⁴³ SR **831.101**

⁴⁴ En vigor dapi il 1. da schan. 2015.

⁴⁵ Versiun tenor la cifra I da l'O dals 7 da nov. 2012, en vigor dapi il 1. da schan. 2013 (AS **2012** 6463).

⁴⁶ Integrà tras la cifra I da l'O dals 7 da nov. 2012, en vigor dapi il 1. da schan. 2013 (AS **2012** 6463).

⁴⁷ Versiun tenor la cifra I da l'O dals 7 da nov. 2012, en vigor dapi il 1. da schan. 2013 (AS **2012** 6463).

Art. 13a⁴⁸ Decleraziun concernent il num sunter la schliaziun dal partenadi registrà

¹ Sunter ch' il partenadi registrà è vegni schlià po la partenaria u il partenari consegnar la decleraziun tenor l'artitgel 30a LPart a mintga funcziunari da stadi civil en Svizra u a la represchentanza da la Svizra a l'exteriur.

² La sottascripziun vegn legalisada.

Art. 14 Decleraziun davart la submissiun dal num al dretg naziunal

¹ En connex cun in eveniment da stadi civil che la concerna persunalmain po la persuna svizra, che ha ses domicil a l'exteriur, u la persuna estra declerar en scrit envers il funcziunari da stadi civil da vulair suttametter ses num al dretg naziunal (art. 37 al. 2 LDIP⁴⁹).⁵⁰

² En connex cun in eveniment da stadi civil ester po ina tala decleraziun vegnir consegnada directamain a l'autorità da surveglianza u tras intermediaziun da la represchentanza da la Svizra.⁵¹

³ Sch'ina persuna svizra fa la decleraziun concernent il num tenor ils artitgels 12, 12a, 13, 13a, 14a, 37 alinea 2 u 3 u tenor l'artitgel 37a alinea 3 u 4, vala quai sco decleraziun da vulair suttametter il num al dretg naziunal.⁵²

Art. 14a⁵³ Decleraziun concernent il num tenor l'artitgel 8a titel final CCS

¹ La decleraziun tenor l'artitgel 8a titel final CCS po vegnir consegnada a mintga funcziunari da stadi civil en Svizra ed a l'exteriur a la represchentanza da la Svizra.

² La sottascripziun vegn legalisada.

Art. 14b⁵⁴

⁴⁸ Integrà tras la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

⁴⁹ SR 291

⁵⁰ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁵¹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁵² Versiun tenor la cifra I da l'O dals 14 da matg 2014, en vigur dapi il 1. da fan. 2014 (AS 2014 1327).

⁵³ Integrà tras la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

⁵⁴ Integrà tras la cifra I da l'O dals 7 da nov. 2012, en vigur dal 1. da schan. 2013 fin ils 31 da dec. 2013 (AS 2012 6463).

3. chapitel Procedura da documentaziun

1. secziun Chaussas generalas

Art. 15⁵⁵ Principis

¹ Mintga persunas vegn inscritta mo ina giada en il register da stadi civil. L'artitgel 15b resta resalvà.⁵⁶

² La documentaziun d'in eveniment da stadi civil u d'in fatg da stadi civil premetta che las datas actualas da las persunas pertutgadas sajan disponiblas en il register da stadi civil; questa premissa croda tar la documentaziun da la naschientscha d'in uffant chattà (art. 10) e da la mort d'ina persuna nunenconuschenta.

³ Ils eveniments da stadi civil d'ina persuna vegnan documentads en successiun cronologica.

⁴ Las unitads da datas (totalitad da las datas davart ina persuna) da las persunas ch'il register da stadi civil cuntegna vegnan colliadas ina cun l'autra sin basa da las relaziuns da dretg da famiglia. Sche la relaziun giuridica vegn abolida, croda la colliaziun.

⁵ Sch'i vegn fatga ina documentaziun, vegnan actualisadas las datas da tut las persunas ch'èn pertutgadas da la documentaziun.

Art. 15a⁵⁷ Inscriziun en il register da stadi civil

¹ Mintga persunas vegn inscritta en il register da stadi civil cun documentar sia naschientscha.

² Ina persuna estra, da la quala las datas n'èn betg disponiblas ...⁵⁸, vegn inscritta en il register da stadi civil il pli tard, sch'ella è pertutgada d'in eveniment da stadi civil che sto vegnir documentà en Svizra.

^{2bis} Ina persuna estra, da la quala las datas n'èn betg disponiblas, vegn inscritta er alura, sch'ella dumonda d'inscriver il fatg ch'ella haja constitui in mandat preventiv (art. 8 lit. k cifra 1).⁵⁹

³ Sch'i n'è betg pussaivel u pretendibel ch'ina persuna estra preschentia – en connex cun l'inscripziun en il register da stadi civil – ils documents necessaris davart ses stadi civil, vegni examinà, sch'igl è pussaivel d'acceptar ina decleraziun tenor l'artitgel 41 alinea 1 CCS.

⁵⁵ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁵⁶ Integrà la segunda frasa tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

⁵⁷ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁵⁸ Stritgà l'expressiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309). Questa midada è vegnida resguardada en l'entir decret.

⁵⁹ Integrà tras la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

⁴ Sche l'inscripziun tenor l'alinea 2 vegn fatga areguard la registraziun da las indicaziuns davart la derivanza d'in uffant entaifer in temp util, vegni renunzià en cas excepziunals motivads da registrar singulas datas davart il stadi civil da la mamma e dal bab.

⁵ Sche l'inscripziun tenor l'alinea 2 vegn fatga areguard la documentaziun da la mort entaifer in temp util, vegni renunzià en cas excepziunals motivads da registrar singulas datas davart il stadi civil da la persuna defuncta.

⁶ L'unitad da datas po vegnir cumplettada sin basa dals documents inoltrads posteriuramain.

Art. 15b⁶⁰ Identitads supplementaras en il register da stadi civil

¹ Cun ina u cun pliras identitads supplementaras pon vegnir inscrits en il register da stadi civil:

- a. persunas ch'èn da proteger tenor l'artitgel 5 litera e da la Lescha federala dals 23 da december 2011⁶¹ davart la protecziun extraprocessuala da perditgas (LPPerd);
- b. collavurats dal Post per la protecziun da perditgas tenor l'artitgel 19 alinea 4 LPPerd;
- c. persunas ch'èn activas sco investigaturs secrets tenor l'artitgel 285a dal Cudesch da procedura penala⁶², tenor l'artitgel 73 da la Procedura penala militar dals 23 da mars 1979⁶³ u dal dretg chantunal;
- d. persunas ch'èn – sa basond sin l'artitgel 14c da la Lescha federala dals 21 da mars 1997⁶⁴ davart mesiras per mantegnair la segirezza interna – munidas cun ina identidat da finta;
- e. persunas che procuran – sa basond sin l'artitgel 1 litera a da la Lescha federala dals 3 d'october 2008⁶⁵ davart las competenzas en il sector dal servetsch d'infurmaziun civil – infurmaziuns davart l'exteriur ch'èn relevantas per la politica da segirezza e ch'èn – sa basond sin quai tenor l'artitgel 16 alinea 1 da l'Ordinaziun dals 4 da december 2009⁶⁶ davart il Servetsch d'infurmaziun da la Confederaziun – munidas cun documents da finta e cun legendas.

² Las dumondas d'inscriber ina u pliras identitads supplementaras en il register da stadi civil ston cuntegnair las indicaziuns da las datas ch'èn d'inscriber e da las basas giuridicas decisivas. Ellas ston vegnir inoltradas en scrit, cun sutscriziun ed en l'original.

⁶⁰ Integrà tras la cifra I da l'O dals 26 d'oct. 2016, en vigor dapi il 1. da fan. 2017 (AS 2016 3925).

⁶¹ SR 312.2

⁶² SR 312.0

⁶³ SR 322.1

⁶⁴ SR 120

⁶⁵ SR 121

⁶⁶ SR 121.1

³ Las autoritads federalas inoltreschan lur dumondas al Sector Infostar (SIS) da l'Uffizi federal da giustia (UFG).⁶⁷

⁴ Las autoritads chantunalas inoltreschan lur dumondas a l'Uffizi federal da polizia. Quel examinescha l'autenticitad da l'autorità petenta e transmetta la dumonda al SIS.⁶⁸

⁵ La registraziun, las annunzias, las communicaziuns uffizialas e la publicaziun da las datas vegnan fatgas en il cas singul sin ordinaziun dal SIS.⁶⁹

Art. 16 Controlla

¹ L'autorità dal stadi civil controllascha:

- a. sch'ella è cumpetenta;
- b. sche l'identità da las persunas pertutgadas è cumprovada ed ellas èn ablas d'agir;
- c.⁷⁰ sche las datas disponiblas e las indicaziuns che ston vegnir documentadas èn correctas, cumpletas e sin il stadi il pli actual.

² Las persunas partecipadas ston preschentar ils documents necessaris. Quels na dastga betg esser pli vegls che 6 mais. Sch'i n'è betg pussaivel u sch'igl è evidentamain insupportabel da procurar tals documents, èn – en cas motivads – admiss documents pli vegls.

³ ...⁷¹

⁴ Datas davart il stadi civil ch'èn disponiblas na ston betg vegnir cumprovadas cun documents.⁷²

⁵ L'autorità dal stadi civil infurmescha e cusseglia las persunas pertutgadas, instradescha sche necessari scleriments supplementars e po pretender che las persunas partecipadas coopereschian latiers.

⁶ Sch'ina persuna estra vegn inscritta tenor l'artitgel 15a alineia 2 en il register da stadi civil, pon ils chantuns prevair che las actas vegnian sutmessas a l'autorità da surveglianza per la controlla.⁷³

⁶⁷ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

⁶⁸ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

⁶⁹ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

⁷⁰ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

⁷¹ Aboli tras la cifra I da l'O dals 28 da zer. 2006, cun effect dapi il 1. da schan. 2007 (AS 2006 2923).

⁷² Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

⁷³ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁷ L'autorità dal stadi civil communitgescha a las autoritàs chantunalas da persecuziun penala acts chastiabels ch'ella ha constatà tar sia actività uffiziala (art. 43a al. 3^{bis} CCS). Per mauns da l'autorità cumpetenta confiscescha ella ils documents che vegnan suspectads cun motiv d'esser falsifitgads u d'esser vegnids duvrads illegalmain. Las autoritàs cumpetentas prendan immediatamain las mesiras da protecziun necessarias.⁷⁴

⁸ Sche l'autorità dal stadi civil communitgescha a l'autorità ch'è cumpetenta per il plant sin nunvalaivladad ch'i dettia in motiv per supponer ch'ina lètg u in partenadi registrà saja nunvalaivel (art. 106 al. 1 segunda frasa CCS, art. 9 al. 2 segunda frasa LPart), infurmescha ella l'autorità da surveglianza en chausa.⁷⁵

Art. 16a⁷⁶ Conferma d'autenticità

¹ Ina conferma en scrit davart la correctadad da las indicaziuns tenor l'artitgel 16 alinea 1 litera c po vegnir pretendida:

- a. en cas ch'ina persuna estra vegn inscritta en il register da stadi civil;
- b. en cas ch'il stadi da las datas disponiblas vegn controllà.

² Avant che prender encunter la conferma d'autenticità renda il funcziunari da stadi civil attent a las consequenzas penals en cas ch'ina documentaziun faussa vegn obtegnida cun rampigns (art. 253 Cudesch penal⁷⁷). L'emissiu e la recepciun èn gratuitas.

³ La conferma d'autenticità sto vegnir sottascritta da la persuna pertutgada u da la persuna che la represchenta giuridicamain. Cun excepziun da cas excepziunals motivads sto la sottascripciun vegnir fatga en preschientscha d'in funcziunari da stadi civil.

⁴ La conferma d'autenticità vegn archivada ensemen cun ils mussaments dal process da documentaziun.

Art. 17 Cumprova d'indicaziuns nundispitaivlas (art. 41 CCS)

¹ Sut las suandantas premissas po l'autorità da surveglianza permetter en il cas singul che indicaziuns davart il stadi civil vegnian cumprovas cun ina decleraziun che vegn fatga en preschientscha dal funcziunari da stadi civil:

- a. la persuna ch'è obligada da collavurar cumprova ch'igl è – suenter stentas suffizientas – nunpussaivel u insupportabel per ella da procurar ils documents correspodents; e
- b. las indicaziuns èn nundispitaivlas tenor ils documents e tenor las infurmasziuns che stattan a disposiziun.

⁷⁴ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

⁷⁵ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

⁷⁶ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁷⁷ SR 311.0

² Il funcziunari da stadi civil renda attenta la persuna che dat la decleraziun a sia obligaziun da dir la vardad, a las consequenzas penalas d'ina decleraziun faussa e legalisescha sia sottascripziun.

³ Sche l'autorità da surveglianza declera d'esser incumpetenta, decretescha ella ina disposiziun formala ed envida la persuna pertutgada d'appellar la dretgira cumpetenta per constatar il stadi civil.⁷⁸

Art. 18⁷⁹ Suttascripziun

¹ Cun agen maun ed en preschientscha da la persuna ch'è cumpetenta per la recepziun u per la documentaziun ston vegnir sottascripts:

- a. il consentiment a la renconuschientscha (art. 11 al. 4);
- b. la decleraziun davart la renconuschientscha d'in uffant (art. 11 al. 5 e 6);
- b^{bis}.⁸⁰ decleraziun davart la tgira geniturala cuminaivla (art. 11b al. 1);
- c. decleraziun concernent il num avant la maridaglia, sch'ella vegn fatga independentamain da la procedura da preparaziun (art. 12 al. 3);
- d. decleraziun concernent il num avant che documentar il partenadi registrà (art. 12a al. 3);
- e. decleraziun concernent il num suenter la schliaziun da la lètg (art. 13 al. 2);
- f. decleraziun concernent il num suenter la schliaziun dal partenadi registrà (art. 13a al. 2);
- g. decleraziun concernent il num tenor l'artitgel 8a titel final CCS (art. 14a al. 2);
- h.⁸¹ ...
- i. conferma da la correctadad da las indicaziuns (art. 16a);
- j. decleraziun tar la cumprova d'indicaziuns nundispitaivlas (art. 17);
- k.⁸² decleraziun davart il num da l'uffant (art. 37 al. 5 e 37a al. 6);
- l. consentiment da l'uffant a la midada da num (art. 37b al. 2);
- m.⁸³ decleraziun davart las premissas per la maridaglia (art. 65 al. 1 e 2);
- n. conferma da la maridaglia (art. 71 al. 4);

⁷⁸ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

⁷⁹ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS **2012** 6463).

⁸⁰ Integrà tras la cifra I da l'O dals 14 da matg 2014, en vigur dapi il 1. da fan. 2014 (AS **2014** 1327).

⁸¹ Concernent la versiun dal 1. da schan. fin ils 31 da dec. 2013 guardar AS **2012** 6463.

⁸² Versiun tenor la cifra I da l'O dals 14 da matg 2014, en vigur dapi il 1. da fan. 2014 (AS **2014** 1327).

⁸³ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS **2013** 1045).

o.⁸⁴ decleraziun davart las premissas per constituir in partenadi registrà (art. 75d al. 1 e 2);

p. decleraziun concernent la constituziun dal partenadi registrà (art. 75k al. 2).

² Sch'ina persuna pronta da suttscriber n'è betg abla da suttscriber, vegn quai documentà – ensemen cun ina motivaziun – en scrit da la persuna d'uffizi cumpetenta tenor l'artitgel 4 u 5.

Art. 18a⁸⁵ Legalisaziun

¹ La persuna d'uffizi cumpetenta tenor l'artitgel 4 u 5 legalisescha la suttscripziun d'ina persuna en ils cas previs en questa ordinaziun. Directamain avant che far quai verifictescha ella l'identitad da la persuna respectiva.

² Ella legalisescha la concordanza da copias e da fotocopias cun l'original.

³ Sch'igl exista però in dubi davart l'autenticitad d'ina suttscripziun e sch'i n'è betg cler, sch'il document è vegni emess da l'autoritad cumpetenta, po ella pretender ina legalisaziun tras l'uffizi cumpetent en Svizra u a l'exteriur.

Art. 19⁸⁶ Termin per documentar datas davart il stadi civil

Datas davart il stadi civil cumprovasdas ston vegnir documentadas immediatamain.

Art. 19a⁸⁷ Sbagls

¹ Autoritads, en spezial ils uffizis da stadi civil, èn obligads d'annunziar sbagls a l'autoritad da surveglianza.

² Mintga persuna pertutgada po annunziar sbagls a l'autoritad da surveglianza.

³ Sche la persuna pertutgada ha prendi encunter documents che cuntengan sbagls, sto ella vegnir tadlada avant ch'ìls sbagls vegnan curregids.

2. secziun Cumpetenzza

Art. 20⁸⁸ Naschientscha

¹ La naschientscha vegn documentada en il circol da stadi civil, en il qual ella ha gi lieu.

⁸⁴ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

⁸⁵ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁸⁶ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

⁸⁷ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁸⁸ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

² Sche la naschientscha ha gi lieu durant il viadi, vegn ella documentada en il circol da stadi civil, en il qual la mamma ha bandunà il vehichel.

³ La naschientscha d'in uffant chattà vegn documentada en il circol da stadi civil dal lieu da chat; la documentaziun cumpiglia indicaziuns davart il lieu, davart il temp e davart las circumstanzas dal chat, davart la schlattaina da l'uffant sco er davart sia vegliadetgna supponida e davart eventuels segns corporals characteristics.

⁴ Sche la derivanza, il lieu ed il temp da naschientscha d'in uffant chattà vegnan eruids pli tard, vegn la documentaziun fatga tenor l'alineia 3 stizzada sin disposiziun da l'autorità da surveglianza e la naschientscha vegn documentada da nov.

Art. 20a⁸⁹ Mort

¹ La mort vegn documentada en il circol da stadi civil, en il qual ella ha gi lieu.

² Sche la persuna è morta durant il viadi, vegn la mort documentada en il circol da stadi civil, en il qual la bara è vegnida chargiada or dal vehichel.

³ Sch'i n'è betg pussaivel d'eruir, nua che la persuna è morta, vegn la mort documentada en il circol da stadi civil, en il qual la bara è vegnida chattada; l'uffizi da stadi civil cumpetent documentescha la data ed il temp dal chat da la bara.

⁴ Sch'i vegn constatà pli tard ch'ina persuna, ch'è vegnida chattada morta, è morta en in auter circol da stadi civil, vegn la documentaziun fatga tenor l'alineia 3 stizzada sin disposiziun da l'autorità da surveglianza e la mort vegn documentada da nov da l'uffizi da stadi civil cumpetent. Resalvada resta la rectificaziun da las indicaziuns davart il lieu da la mort, davart la data da la mort e davart l'ura da la mort d'uffizi u, sche la cumprova è contestada, sin ordinaziun da la dretgira.

⁵ Sche la persuna na po betg vegnir identifitgada entaifer in termin previsibel, vegnan documentads il lieu, la data e l'ura da la mort u dal chat da la bara, la schlattaina, la vegliadetgna presuntiva, eventuels segns corporals characteristics e las indicaziuns davart las circumstanzas da la mort u dal chat da la bara.

⁶ Sche l'identità da la persuna defuncta vegn constatada pli tard, vegn la documentaziun fatga tenor l'alineia 5 cumpletada sin disposiziun da l'autorità da surveglianza cun ina remartga, da tgi ch'i sa tracta, e la mort vegn documentada da nov.

Art. 20b⁹⁰ Cas speziels da naschientscha e da mort

¹ La cumpetenza per documentar las naschientschas ed ils mortoris che han lieu a bord d'in eromobil u d'in bastiment maritim sa drizza tenor ils artitgels 18 e 19 da l'Ordinaziun dals 22 da schaner 1960⁹¹ davart ils dretgs e las obligaziuns d'in cumandant d'in eromobil e tenor l'artitgel 56 da la Lescha dals 23 da settember 1953⁹² davart la navigaziun maritima.

⁸⁹ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁹⁰ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁹¹ SR 748.225.1

⁹² SR 747.30

² Sche la mort d'ina persuna para d'esser segira, schebain che nagin n'ha vesi la bara, vegn la mort documentada sin basa d'ina disposiziun giudiziala en il circol da stadi civil dal lieu, nua che la mort ha gi lieu probablmain (art. 34 e 42 CCS).

³ Naschientschas e mortoris a l'exteriur, per ils quals na pon vegnir appurtads nagins documents da stadi civil, vegnan documentads sin basa d'ina disposiziun giudiziala dal circol da stadi civil dal lieu, nua che la dretgira cumpetenta ha sia sedia tenor il dretg chantunal (art. 40 al. 1 lit. a).

Art. 21⁹³ Maridaglias e decleraziuns⁹⁴

¹ La maridaglia e las decleraziuns concernent la constituiun dal partenadi registrà, concernent la reconuschientscha d'in uffant sco er concernent la purtada dal num vegnan documentadas da l'uffizi da stadi civil che ha exequi l'act uffizial.⁹⁵

² Sche la decleraziun concernent la reconuschientscha d'in uffant u concernent la purtada dal num è vegnida prendida encunter d'ina represchentanza da la Svizra a l'exteriur, sa drizza la cumpetenza per far la documentaziun tenor il senn da l'artitgel 23.⁹⁶

³ La reconuschientscha d'in uffant davant dretgira u tras ina disposiziun testamentara vegn documentada da l'uffizi da stadi civil a la sedia da la dretgira u al lieu da l'avertura dal testament. Resalvada resta la cumpetenza dals uffizis da stadi civil spezials tenor l'artitgel 2 alinea 2 litera b.

⁴ La decleraziun concernent la cumprova d'indicaziuns nundispitaivlas tenor l'artitgel 17 vegn prendida encunter da l'uffizi da stadi civil che inscriba la persuna estra en il register da stadi civil.

Art. 22 Sentenzias giudizialas, disposiziuns administrativas e nativalisaziuns pronunziadas en Svizra

¹ Sentenzias giudizialas, disposiziuns administrativas e nativalisaziuns pronunziadas en Svizra vegnan documentadas en quel chantun, nua ch'ellas èn vegnidas emessas.

² Sentenzias dal Tribunal federal vegnan documentadas en il chantun, nua che l'emprima istanza ha ses domicil, disposiziuns administrativas da la Confederaziun en il chantun d'origin da la persuna pertutgada.

³ L'autorità da surveglianza è responsabla che las datas davart il stadi civil communigtadas vegnian documentadas e che la publicaziun vegnia fatga d'uffizi (6. chapitel, 2. secziun).

⁴ Il dretg chantunal regla las cumpetenzas internas.

⁹³ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁹⁴ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

⁹⁵ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

⁹⁶ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

Art. 23⁹⁷ Decisiuns e documents esters davart il stadi civil

¹ Decisiuns e documents esters davart il stadi civil vegnan documentads tras l'uffizi da stadi civil competent sin basa d'ina disposiziun da l'autorità da surveglianza dal chantun d'origin da la persuna pertutgada. Sche la persuna è burgaisa da plirs chantuns, decida l'autorità da surveglianza dal chantun d'origin, al qual vegn preschentà la decisiun u il document ester davart il stadi civil.

² Decisiuns e documents esters davart il stadi civil da persunas estras vegnan documentads tras l'uffizi da stadi civil competent sin basa d'ina disposiziun da l'autorità da surveglianza:

- a. sche la documentaziun ha effects dal dretg da famiglia per ina persuna cun dretg da burgais svizzer: en il chantun d'origin da questa persuna;
- b. sche las datas da la persuna èn disponiblas ed ina competenza tenor la litera a croda davent: en il chantun da domicil u en il chantun, en il qual sto vegnir fatg silsuenter in ulteriur act uffizial;
- c. sch'ina competenza tenor la litera a u b croda davent: en il chantun da naschientscha.

³ L'autorità da surveglianza annunzia – a chaschun da la disposiziun tenor l'artitgel 32 alinea 1 LDIP⁹⁸ – a l'autorità chantunala responsabla per las persunas estras al lieu da dimora da la persuna pertutgada fatgs che laschan supponer, che la maridaglia u la costituziun dal partenadi registrà succedida a l'exteriur ha l'intent da gungir las disposiziuns davart l'admissiun e davart la dimora da persunas estras (art. 82a OADA⁹⁹). Ella la communitgescha er il resultat d'eventuals scleriments sco er la refusa u la renconuschientscha.¹⁰⁰

⁴ Il dretg chantunal regla la competenza per la documentaziun tenor l'artitgel 2 alinea 2 litera a u alinea 3.

⁵ La denunzia dals acts chastiabels constatads e las mesiras da protecciun sa drizzan tenor l'artitgel 16 alinea 7. L'annunzia a las autoritads ch'èn competentas per il plant sin nunvalaivladad d'ina lètg u d'in partenadi registrà sa drizza tenor l'artitgel 16 alinea 8.¹⁰¹

Art. 23a¹⁰² Mandat preventiv

Sin dumonda è mintga uffizi da stadi civil competent per:

⁹⁷ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁹⁸ SR 291

⁹⁹ SR 142.201

¹⁰⁰ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

¹⁰¹ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

¹⁰² Integrà tras la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

- a. inscriver il fatg ch'in mandat preventiv è vegnì constitui ed il lieu da deposit;
- b. midar ina inscripziun;
- c. stizzar ina inscripziun.

3. secziun Endatar

Art. 24 Nums

¹ Ils nums vegnan endatads uschia sco ch'els èn scrits en ils documents dal stadi civil u, sche tals mancan, en auters documents d'identitad decisivs, uschenavant ch'il set da characters da standard (art. 80) permetta quai.¹⁰³

² Sco num da nubila d'ina persuna vegn endatà il num ch'ella:

- a. ha purtà directamain avant sia emprima maridaglia u constituziun dal partenadi registrà; u
- b. è s'acquistada sco nov num da nubila sa basond sin ina decisiun concernent ina midada dal num.¹⁰⁴

³ Nums uffizials che n'èn betg nums da famiglia ni prenums vegnan endatads sco «auters nums uffizials».

⁴ Nums na dastgan ni vegnir laschads davent ni translats ni midads en lur succesiun.

Art. 25 Titels e grads

Titels e grads na vegnan betg endatads.

Art. 26¹⁰⁵ Nums locals

Sco lieu da l'eveniment vegn documentà:

- a. il num da la vischnanca svizra tenor la glista uffiziala da las vischnancas da la Svizra;
- b. il num dal stadi ester u da la regiun cunfinabla geograficamain che ha ina impurtanta naziunala; nums da citads, da quartiers, da lieus e da repartiziuns dal territori vegnan endatads sco indicaziuns supplementaras sco ch'els èn scrits en ils documents d'identitad decisivs ed uschenavant ch'il set da characters da standard tenor l'artitgel 80 permetta quai.

¹⁰³ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁰⁴ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹⁰⁵ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

Art. 27 Naziunalitad estra ed apatridia

Registradas vegnan:

- a. naziunalitads estras, sch'ina persuna na posseda betg il dretg da burgais svizzer;
- b. l'apatridia.

4. secziun Terminar**Art. 28**

¹ La documentaziun legalmain valaivla da las datas davart il stadi civil succeda cun la funcziun dal terminar.

² Terminar dastgan mo funcziunaris da stadi civil che han ils dretgs d'access correspondents (art. 79) s'identifitgond persunalmain sco utilisaders.

5. secziun Rectificaziun**Art. 29** Tras las autoritads da stadi civil

¹ La rectificaziun administrativa da la documentaziun da datas davart il stadi civil tenor l'artitgel 43 CCS vegn fatga sin disposiziun da l'autoridad da surveglianza; sch'inexactadads vegnan constatadas avant che documentar in nov eveniment da stadi civil, pon quellas però vegnir rectificadas en atgna cumpetenzza da l'uffizi da stadi civil fallibel.¹⁰⁶

² Sche pliras autoritads da surveglianza èn pertutgadas, sto la rectificaziun vegnir fatga tenor las directivas dal UFSC.

³ e ⁴ ...¹⁰⁷

Art. 30 Tras las dretgiras

¹ Cun resalva da l'artitgel 29 decidan las dretgiras davart la rectificaziun da la documentaziun da datas davart il stadi civil (art. 42 CCS).

² ...¹⁰⁸

¹⁰⁶ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

¹⁰⁷ Aboli tras la cifra I da l'O dals 4 da zer. 2010, cun effect dapi il 1. da schan. 2011 (AS 2010 3061).

¹⁰⁸ Aboli tras la cifra II 2 da l'O dals 18 da zer. 2010 davart l'adattaziun d'ordinaziuns al Cudesch da procedura civila svizzer, cun effect dapi il 1. da schan. 2011 (AS 2010 3053).

6. secziun Mussaments

Art. 31 Deposit

¹ Ils chantuns procuran per in deposit cunvegnet dals mussaments concernent la documentaziun da datas davart il stadi civil (art. 7).

² Ils mussaments tenor l'alinea 1, che ston vegnir transmess al Secretariat da stadi per migraziun en applicaziun da l'artitgel 2b da l'Ordinaziun d'asil 1 dals 11 d'avust 1999¹⁰⁹, vegnan tegnids en salv da questa autoritad. Ella metta a disposiziun ils mussaments a las autoritads dal stadi civil.¹¹⁰

Art. 32 Durada da l'archivaziun

¹ Ils mussaments ston vegnir tegnids en salv 50 onns.

² Sch' ils mussaments vegnan segirads sin microfilm u en furma electronica, dastgan els vegnir destruids – cun la permissiun da l'autoritad da surveglianza – suenter 10 onns.

Art. 33 Communicaziun da datas or dals mussaments

¹ La comunicaziun da datas or dals mussaments sa drizza tenor las prescripziuns dal 6. chapitel davart la comunicaziun da datas.

² Documents or dals mussaments dastgan vegnir restituids dals uffizis da stadi civil a las personas autorisadas. Els ston vegnir remplazzads tras copias legalisadas.

4. chapitel Obligaziuns d'annunzia

1. secziun Naschienscha e mort

Art. 34¹¹¹ Naschienscha

Obligads d'annunziar la naschienscha èn:

- a. sche l'uffant è naschi en in ospital, en ina chasa da parturir u en ina instituziun sumeglianta, la direcziun da l'instituziun; sch'ella observa la responsabladad, po ella incumbensar personas emploiadas cun l'annunzia;
- b.¹¹² sche las premissas tenor la litera a n'èn betg ademplidas, en la suandanta successiun: il medi consultà, la dunna da part consultada;

¹⁰⁹ SR 142.311

¹¹⁰ Integrà tras la cifra III 1 da l'O dals 8 da zer. 2018, en vigur dapi il 1. da mars 2019 (AS 2018 2857).

¹¹¹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹¹² Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

- bbis.¹¹³ sche las premissas tenor las literas a e b n'èn betg ademplidas, en la suandanta successiun: las persunas d'agid dal medi u da la dunna da part, mintga altra persuna ch'è preschenta durant la naschienscha, la mamma;
- c. sch'i sa tracta d'in uffant chattà, l'autorità ch'è responsabla tenor il dretg chantunal (art. 38);
 - d. sche la naschienscha n'è betg vegnida annunziada, mintga autorità che vegn a savair da la naschienscha.

Art. 34a¹¹⁴ Mort

¹ Obligads d'annunziar la mort èn:

- a. sche la persuna è morta en in ospital, en ina chasa da persunas attempadas e da tgira u en ina instituziun sumeglianta, la direzziun da l'instituziun; sch'ella observa la responsabladad, po ella incumbensar persunas emploiadas cun l'annunzia;
- b. sche la persuna n'è betg morta en ina instituziun tenor la litera a, il vaiv u il partenari survivent, ils proxims parents u las persunas che vivan en la medema chasada sco er mintga altra persuna ch'è stada preschenta durant la mort u che ha chattà la bara;
- c. sche la mort n'è betg vegnida annunziada, mintga autorità che vegn a savair da la mort.

² Persunas obligadas da far l'annunzia tenor l'alinea 1 litera b pon autorisar en scrit ina terza persuna da communitgar la mort.

³ Tgi ch'è stà preschent cur ch'ina persuna nunenconuschenta è morta u tgi che chatta la bara d'ina persuna nunenconuschenta, sto annunziar quai immediatamain a l'autorità da polizia. Quella transmetta l'annunzia a l'uffizi da stadi civil.¹¹⁵

Art. 35 Autorità cumpetenta, furma e termin da l'annunzia

¹ Las persunas obligads da far l'annunzia ston communitgar mortoris entaifer 2 dis e naschienschas entaifer 3 dis a l'uffizi da stadi civil, e quai en scrit u cun sa preschentar persunalmain. La mort d'ina persuna nunenconuschenta u il chat da la bara d'ina persuna nunenconuschenta ston vegnir communitgads entaifer 10 dis.¹¹⁶

² L'uffizi da stadi civil prenda encunter er in'annunzia retardada. Sche la divergenza tranter la naschienscha u il mortori d'ina vart e l'annunzia da l'autra vart è pli gronda che 30 dis, dumonda el ina disposiziun da l'autorità da surveglianza.

¹¹³ Integrà tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

¹¹⁴ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹¹⁵ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹¹⁶ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

³ El denunzia a l'autorità da surveglianza las personas che n'han betg adempli a temp lur obligaziun da far l'annunzia (art. 91 al. 2).

⁴ Il dretg chantunal po prevair che las personas obligadas da far l'annunzia tenor l'artitgel 34a alinea 1 litera b pon annunziar la mort ad in uffizi da la vischnanca da domicil da la persuna defuncta. L'annunzia sutscritta da la persuna obligada da far l'annunzia sto vegnir consegnada immediatamain ed en l'original a l'uffizi da stadi civil cumpetent.¹¹⁷

⁵ Sch'i vegn communitgada la mort u la naschientscha d'in uffant mort, sto vegnir inoltrà in attest d'in medi.

⁶ L'uffizi da stadi civil po pretender in attest d'in medi che conferma la naschientscha, sche l'annunzia dal part vegn fatga d'ina persuna menziunada en l'artitgel 34 litera b^{bis}.¹¹⁸

Art. 36 Sepultura u cremaziun

¹ La bara dastga vegnir sepulida ubain cremada u i dastga vegnir emess in pass da bara pir, cur che la mort è vegnida annunziada u cur che la bara è vegnida chattada.

² En cas excepziunals po il post cumpetent tenor il dretg chantunal permetter la sepultura u la cremaziun u emetter il passa da bara, senza ch'el haja la conferma ch'in mortori saja vegni annunzià. En quest cas sto el annunziar quai immediatamain a l'uffizi da stadi civil.

³ Sche la sepultura u la cremaziun u sche l'emissiun dal pass da bara ha gi lieu avant l'annunzia e senza permissiun da l'autorità, dastga l'inscripziun vegnir fatga mo cun la permissiun da l'autorità da surveglianza.

Art. 37¹¹⁹ Num da l'uffant da geniturs maridads in cun l'auter

¹ Il num da l'uffant da geniturs maridads in cun l'auter sa drizza tenor l'artitgel 270 CCS.

² Sch'ils geniturs portan differents nums e sch'els n'han betg declerà a chaschun da la maridaglia tge num che lur uffants duain purtar, decleran els cun l'annunzia da naschientscha da l'emprim uffant en scrit envers il funcziunari da stadi civil, tgenin da lur nums da nubil che lur uffants duain purtar.

³ Sch'ils geniturs han declerà a chaschun da la maridaglia, tgenin da lur nums da nubil che lur uffants duain purtar, pon els – cun annunziar la naschientscha da l'emprim uffant u entaifer 1 onn dapi sia naschientscha – declerar cuminaivlamain en scrit che l'uffant duai purtar il num da nubil da l'auter genitur (art. 270 al. 2 CCS).

⁴ En Svizra po questa decleraziun vegnir fatga envers mintga funcziunari da stadi civil. A l'exteriur po ella vegnir fatga envers la represchantanza da la Svizra.

¹¹⁷ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹¹⁸ Integrà tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

¹¹⁹ Integrà tras la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

⁵ Las suttascripziuns vegnan legalisadas, sche la decleraziun tenor l'alinea 3 na vegn betg fatga cun l'annunzia da naschientscha.

Art. 37a¹²⁰ Num da l'uffant da geniturs betg maridads in cun l'auter

¹ Il num da l'uffant da geniturs betg maridads in cun l'auter sa drizza tenor l'artitgel 270a CCS.

² Sch'in genitur ha la tgira geniturala, cur che l'emprim uffant nascha (art. 298a al. 5, 298b al. 4 u 298c CCS), survegn l'uffant il num da nubil da quel genitur.

³ Sche tuts dus geniturs han cuminaivlamain la tgira geniturala, cur che l'emprim uffant nascha, decleran els cun l'annunzia da naschientscha en scrit envers il funcziunari da stadi civil, tgenin da lur nums da nubil che lur uffants duain purtar.

⁴ La decleraziun tenor l'artitgel 270a alinea 2 CCS sto vegnir fatga cuminaivlamain ed en scrit.

⁵ En Svizra po questa decleraziun vegnir fatga envers mintga funcziunari da stadi civil. A l'exteriur po ella vegnir fatga envers la represchentanza da la Svizra.

⁶ Las suttascripziuns vegnan legalisadas, sche la decleraziun na vegn betg fatga cun l'annunzia da naschientscha.

Art. 37b¹²¹ Consentiment da l'uffant

¹ Sche l'uffant ha cumpleni 12 onns, po ses num vegnir midà mo cun ses consentiment (art. 270b CCS).

² L'uffant sto dar persunalmain ses consentiment. En Svizra po el dar ses consentiment a mintga funcziunari da stadi civil. A l'exteriur po el dar ses consentiment a la represchentanza da la Svizra.

Art. 37c¹²² Prenums da l'uffant

¹ Sch'ils geniturs èn maridads in cun l'auter, decidan els ils prenums da l'uffant. Sch'els n'èn betg maridads in cun l'auter, decida la mamma ils prenums, nun ch'ils geniturs hajan cuminaivlamain la tgira geniturala.

² Ils prenums ston vegnir communitgads a l'uffizi da stadi civil ensemen cun l'annunzia da naschientscha.

³ Il funcziunari da stadi civil refusa prenums che violeschan evidentamain ils interess da l'uffant.

¹²⁰ Integrà tras la cifra I da l'O dals 7 da nov. 2012 (AS 2012 6463). Versiun tenor la cifra I da l'O dals 14 da matg 2014, en vigur dapi il 1. da fan. 2014 (AS 2014 1327).

¹²¹ Integrà tras la cifra I da l'O dals 7 da nov. 2012 en vigur dapi il 1. da schan. 2013 (AS 2012 6463).

¹²² Oriundamain: art. 37.

Art. 38 Uffant chattà

¹ Tgi che chatta in uffant da derivanza nunenconuschenta, sto infurmar l'autorità ch'è cumpetenta tenor il dretg chantunal.

² L'autorità dat a l'uffant in num da famiglia e prenums ed annunzia quai a l'uffizi da stadi civil.

³ Sche la derivanza u sch'il lieu da naschienscha da l'uffant chattà vegn constatà pli tard, sto quai vegnir documentà sin disposiziun da l'autorità da surveglianza.

2. secziun**Eveniments capitads a l'exteriur, decleraziuns e decisiuns estras****Art. 39**

Persunas svizras sco er persunas estras che stattan en ina relaziun da dretg da famiglia envers persunas svizras ston annunziar a la represchentanza svizra a l'exteriur cumpetenta eveniments capitads a l'exteriur, decleraziuns e decisiuns estras che pertugan il stadi civil.

5. chapitel Obligaziuns d'annunzia uffizialas**Art. 40** Dretgiras

¹ Las dretgiras communitgeschan las suandantas sentenzias:

- a. constataziun da naschienscha e mort;
- b. constataziun da la maridaglia;
- c. decleraziun da spariziun e sia aboliziun;
- d.¹²³ divorzi (art. 111 ss. CCS) e decleraziun da nunvalaivladad d'ina lètg (art. 104 ss. CCS), eventualmain cun l'infurmaziun che la decleraziun da nunvalaivladad è vegnida fatga sa basond sin l'artitgel 105 cifra 4 CCS e che cun ella vegn annullada la relaziun da figlialanza cun eventuels uffants ch'èn naschids durant la lètg (art. 109 al. 3 CCS);
- e. fatgs da nums (art. 29 e 30 CCS);
- f. constataziun da la paternità (art. 261 CCS);
- g. annullaziun da la relaziun da figlialanza tar il consort da la mamma (art. 256 CCS);
- h. annullaziun da la renconuschientscha (art. 259 al. 2 e 260a CCS);

¹²³ Versiun tenor la cifra I da l'O dals 24 d'oct. 2007, en vigur dapi il 1. da schan. 2008 (AS 2007 5625).

- i. annullaziun da l'adopziun (art. 269 ss. CCS);
- j.¹²⁴ midada da la schlattaina e midada dals prenums ch'è colliada cun quai;
- k.¹²⁵ constataziun dal stadi civil, sco er rectificaziun e stizzada da datas davart il stadi civil (art. 42 CCS);
- l.¹²⁶ constataziun d'in partenadi registrà;
- m.¹²⁷ schliaziun (art. 29 ss. LPart) e decleraziun da nunvalaivladad (art. 9 ss. LPart) d'in partenadi registrà.

² L'obligaziun d'annunzia uffiziala cumpiglia er la renconuschientscha d'in uffant ch'è vegnida fatga davant dretgira (art. 260 al. 3 ZGB).

Art. 41 Autoritads administrativas

Las autoritads administrativas communitgeschan las suandantas disposiziuns:

- a. acquist e perdita da dretgs da burgais communal e chantunals;
- b. acquist e perdita dal dretg da burgais svizzer;
- c.¹²⁸ midada dal num (art. 30 al. 1 CCS);
- d.¹²⁹ midada dal num cun midada dal dretg da burgais (art. 271 al. 2 CCS);
- e.¹³⁰ constataziun dal dretg da burgais (art. 43 al. 1 da la Lescha dals 20 da zercladur 2014¹³¹ davart il dretg da burgais).

Art. 42 Ulteriurs cas

¹ Las dretgiras e las autoritads administrativas ch'èn competentas tenor il dretg chantunal communitgeschan las suandantas sentenzias u disposiziuns:

- a. adopziun (art. 264 ss. CCS);
- b. renconuschientscha testamentara d'in uffant (art. 260 al. 3 CCS);

¹²⁴ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS **2012** 6463).

¹²⁵ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

¹²⁶ Integrà tras la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

¹²⁷ Integrà tras la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

¹²⁸ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS **2012** 6463).

¹²⁹ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS **2012** 6463).

¹³⁰ Integrà tras la cifra I da l'O dals 4 da zer. 2010 (AS **2010** 3061). Versiun tenor la cifra II 4 da l'aggiunta da l'O dal dretg da burgais dals 17 da zer. 2016, en vigur dapi il 1. da schan. 2018 (AS **2016** 2577).

¹³¹ SR **141.0**

c.¹³² installaziun d'ina curatella cumplessiva u constataziun da l'efficacitad d'in mandat preventiv per ina persuna ch'è permanentamain inabla da giuditgar (art. 449c CCS) sco er aboliziun da la curatella (art. 399 al. 2 CCS);

d.¹³³ bloccada da la comunicaziun da las datas ed aboliziun da la bloccada (art. 46).

² La comunicaziun tenor l'alinea 1 litera b succeda tras l'autorità che avra il testament (art. 557 al. 1 CCS) en furma d'in excerpt dal testament.

Art. 43 Autorità cumpetenta, furma e termin da la comunicaziun

¹ La comunicaziun vegn drizzada a l'autorità da surveglianza a la sedia da la dretgira u da l'autorità administrativa. L'autorità da surveglianza la trasmetta a l'uffizi da stadi civil ch'è cumpetent per la documentaziun.¹³⁴

² Sentenzias dal Tribunal federal ston vegnir communitgadas a l'autorità da surveglianza a la sedia da l'emprima istanza, disposiziuns administrativas da la Confederaziun a l'autorità da surveglianza dal chantun d'origin da la persuna pertutgada.

³ Sch'il dretg chantunal designescha internamain in'otra autorità (art. 2), ston las comunicaziuns tenor ils alineas 1 e 2 vegnir transmessas directamain a tala.

⁴ Las dretgiras communitgeschan las sentenzias e las reconuschientschas d'uffants succedidas davant dretgira supplementarment a las suandantas autoritàs:

- a. a l'autorità per la protecziun d'uffants dal domicil d'uffants minorens (art. 40 al. 1 lit. c, en cas d'ina persuna maridada, sco er lit. d, g, h ed i);
- b. a l'autorità per la protecziun d'uffants dal domicil da la mamma il mument da la naschientscha da l'uffant (art. 40 al. 1 lit. f e 2).¹³⁵

⁵ La comunicaziun vegn fatga immediatamain suenter che la decisiun è entrada en vigur. Ella ha la furma d'in excerpt che cuntegna las datas cumplettas davart il stadi civil sin basa da documents dal stadi civil, il dispositiv sco er la data da l'entrada da la vigur legala.¹³⁶

⁶ Sche la comunicaziun vegn fatga en furma d'ina copia, atesta l'uffizi communitgant sia concordanza cun il document original.¹³⁷

¹³² Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹³³ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹³⁴ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹³⁵ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹³⁶ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

¹³⁷ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

6. chapitel Communicaziun da las datas

1. secziun Chaussas generalas

Art. 44 Secret d'uffizi

¹ Las personas che lavuran tar las autoritads dal stadi civil èn obligadas a la discreziun en quai che concerna datas davart il stadi civil. L'obligaziun da discreziun exista vinavant er suenter che la relaziun da servetsch è vegnida terminada.

² Resalvada resta la comunicaziun da datas davart il stadi civil sin basa da prescripziuns spezialas.

Art. 44^a¹³⁸ Cumpetenzza per la comunicaziun

¹ La comunicaziun d'uffizi è chaussa da l'uffizi da stadi civil che ha fatg la documentaziun.

² La redacziun da documents dal stadi civil sin empustaziun è chaussa dals suandants uffizis da stadi civil:

- a. Documents davart eveniments da stadi civil vegnan emess da l'uffizi da stadi civil che ha documentà l'eveniment.
- b. Attests davart il stadi civil e davart il stadi da famiglia vegnan emess da l'uffizi da stadi civil dal lieu d'origin u, sche la persuna na posseda betg il dretg da burgais svizzer, da l'uffizi da stadi civil dal domicil u da la dimora u da l'ultim domicil.
- c. Certificats da famiglia e certificats davart il partenadi registrà pon ultra da quai vegnir emess, renovads u remplazzads da l'uffizi da stadi civil che ha documentà l'ultim eveniment concernent la persuna pertutgada.
- d. Extracts dals registers da stadi civil manads sin palpiri vegnan emess da l'uffizi da stadi civil che tegna en salv il register (art. 92a al. 1).

Art. 45 Premissas per la comunicaziun

¹ ...¹³⁹

² Datas davart il stadi civil che n'èn anc betg vegnidas documentadas cun vigur legala (art. 28), che ston vegnir rectificadas (art. 29 e 30) u ch'èn bloccadas (art. 46), dastgan vegnir communitgadas mo cun la permissiun da l'autorità da surveglianza.

Art. 46 Bloccada da la comunicaziun

¹ L'autorità da surveglianza procura per la bloccada da la comunicaziun da datas davart il stadi civil:

¹³⁸ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹³⁹ Aboli tras la cifra I da l'O dals 4 da zer. 2010, cun effect dapi il 1. da schan. 2011 (AS 2010 3061).

- a. sin dumonda u d'uffizi, sche quai è inevitabel u previs tenor lescha per proteger la persuna pertutgada;
- b.¹⁴⁰ sin basa d'ina disposiziun giudiziala;
- c.¹⁴¹ en vista ad ina decisiun giudiziala sco mesira superprovisorica; in med legal applitgà n'ha nagin effect suspensiv.

^{1bis} Sco mesira superprovisorica tenor l'alinea 1 litera c decretescha l'autorità da surveglianza la bloccada en spezial, sch'i vegn iniziada ina procedura per annullar ina lètga u in partenadi registrà.¹⁴²

² Sche las premissas per la bloccada crodan davent, procura l'autorità da surveglianza che la bloccada vegnia abolida.

³ Resalvà resta il dretg da l'uffant adoptiv da survegnir infurmaziuns davart las personalias dals geniturs biologics (art. 268c CCS).

Art. 46a¹⁴³ Bloccada da l'utilisaziun

¹ L'autorità da surveglianza blochescha l'utilisaziun da las datas disponiblas davart il stadi civil, sch'ella suppona ch'igl exista il privel che las datas vegnian duvradas per obtegnair cun rampigns ina documentaziun incorrecta.

² Ella abolescha la bloccada, uschespert ch'ella po excluder in'utilisaziun abusiva da las datas.

Art. 47¹⁴⁴ Furma da la comunicaziun

¹ Eveniments da stadi civil e fatgs da stadi civil sco er datas davart il stadi civil vegnan communitgads sin ils formulars da stadi civil previs (art. 6) en furma d'in document public.

² Sch'i n'è betg previs in formular u sche sia utilisaziun n'è betg cunvegenta, vegn la comunicaziun fatga:

- a. cun ina conferma u cun in'attestaziun en scrit, en furma d'in document public;
- b. cun ina copia legalisada or dal register da stadi civil manà sin palpieri, en furma d'in document public;
- c. cun ina copia legalisada dal mussament, en furma d'in document public;

¹⁴⁰ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁴¹ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁴² Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

¹⁴³ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁴⁴ Versiun tenor la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronicas, en vigur dapi il 1. da favr. 2018 (AS 2018 89).

- d. sin dumonda dal UCC tenor las disposiziuns spezialas dal dretg federal;
- e. a bucca als uffizis da stadi civil ed a las autoritads da surveglianza, sche la persuna petenta po vegnir identifitgada senza dubi;
- f. cun ina copia legalisada or dals registers da stadi civil che valan sco archivalias tenor l'artitgel 6a alinea 3.

³ Per autoritads ordaifer ils fatgs dal stadi civil sa drizza l'access en la procedura d'invista a datas manadas en il register da stadi civil tenor l'artitgel 43a alinea 4 CCS.

Art. 47a¹⁴⁵ Acts sin palpieri e legalisaziuns da documents sin palpieri

¹ Ils documents publics e las legalisaziuns sin palpieri ston vegnir datads, attestads sco corrects cun la sutscriziun dal funcziunari da stadi civil e munids cun il bul uffizial.

² Il UFSC decretescha directivas davart la qualitat dal palpieri e davart l'inscripziun da documents da stadi civil. Per communitgar eveniments da stadi civil, fatgs da stadi civil sco er datas davart il stadi civil sto vegnir duvrà il palpieri da segirezza defini dal UFSC.

³ Per la legalisaziun da documents da partenza electronics tenor l'artitgel 18a alinea 2 vala l'Ordinaziun dals 8 da december 2017¹⁴⁶ davart l'emissiun da documents publics electronics e da legalisaziuns electronicas (ODPE), en spezial l'artitgel 17 ODPE.

Art. 47b¹⁴⁷ Documents publics electronics e legalisaziuns electronicas

¹ La persuna nominada u elegida sco funcziunari da stadi civil è autorisada d'emetter documents dal stadi civil, inclusiv documents publics e legalisaziuns, en furma electronica.

² Las autoritads chantunales da surveglianza ed il UFSC pon autorisar lur collavuratur da far las legalisaziuns tenor l'artitgel 18a alinea 2 sin via electronica.

³ Il UFSC po autorisar ses collavuratur d'emetter documents dal stadi civil, inclusiv documents publics e legalisaziuns, en il sector da l'artitgel 92b alinea 1^{bis} sin via electronica.

⁴ La ODPE¹⁴⁸ è applitgbla.

¹⁴⁵ Integrà tras la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronicas, en vigor dapi il 1. da favr. 2018 (AS 2018 89).

¹⁴⁶ SR 211.435.1

¹⁴⁷ Integrà tras la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronicas, en vigor dapi il 1. da favr. 2018 (AS 2018 89).

¹⁴⁸ SR 211.435.1

Art. 48 Forza da cumprova

Ils documents tenor l'artigel 47 han la medema forza da cumprova sco ils purtaders da datas (register da stadi civil e mussaments), or dals quals vegnan communitgadas datas davart il stadi civil.

2. secziun Communicaziun d'uffizi¹⁴⁹**Art. 48a¹⁵⁰** Termin da la communicaziun

La communicaziun d'uffizi vegn fatga immediatamain.

Art. 49¹⁵¹ A l'administraziun communal dal domicil u dal lieu da dimora

¹ Per la gestiun dal register d'abitants communitgescha l'uffizi da stadi civil cumpetent per la documentaziun a l'administraziun communal dal domicil actual u da l'ultim domicil enconuschent u dal lieu da dimora da la persuna pertutgada en spezial las suandantas indicaziuns:

- a.¹⁵² la naschienscha, la mort, la decleraziun da spariziun sco er sia aboliziun;
- b.¹⁵³ mintga midada dal num, dal stadi civil, dal dretg da burgais, da la derivanza u da la schlattaina;
- c. la rectificaziun da las datas davart il stadi civil, uschenavant che quellas han ina influenza sin las datas actualas da la persuna;
- d. inscripziun ed extincziun d'ina curatella cumplessiva u d'ina constataziun da l'efficacitad d'in mandat preventiv per ina persuna ch'è permanentamain inabla da giuditgar (art. 42 al. 1 lit. c).

² La communicaziun cuntegna il numer d'assicuranza da la AVS, sch'el è vegni assignà dal UCC a la persuna pertutgada (art. 8a).

³ La datas vegnan furnidas en moda automatisada ed en furma electronica.

Art. 49a¹⁵⁴ A l'uffizi da stadi civil dal lieu d'origin

¹ L'uffizi da stadi civil cumpetent per la documentaziun communitgescha als uffizis da stadi civil dals lieus d'origin vertents l'acquist dal dretg da burgais communal tras nativalisaziun.

¹⁴⁹ Oriundamain avant l'art. 49.

¹⁵⁰ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁵¹ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹⁵² Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

¹⁵³ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

¹⁵⁴ Integrà tras la cifra I da l'O dals 9 da dec. 2005 (AS 2005 5679). Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

² Sch'ina persuna posseda en ses lieu d'origin in dretg da burgais u da corporaziun e sche ses chantun d'origin pretenda quai, communitgescha l'uffizi da stadi civil cumpetent per la documentaziun a l'uffizi da stadi civil dal lieu d'origin:

- a. la naschientscha e la mort;
- b. mintga midada dal num, dal stadi civil u dal dretg da burgais;
- c. la rectificaziun da datas davart il stadi civil.

Art. 50 A l'autorità per la protecziun d'uffants¹⁵⁵

¹ L'uffizi da stadi civil responsabel per la documentaziun communitgescha a l'autorità per la protecziun d'uffants:¹⁵⁶

- a. la naschientscha d'in uffant, dal qual ils geniturs n'èn betg maridads in cun l'auter, sco er sia mort, sche quella capita entaifer l'emprim onn da vita e sch'i na dat quel mument nagina relaziun da figlialanza cun il bab;
- b. la naschientscha d'in uffant ch'è naschi entaifer 300 dis suenter la mort u suenter la decleraziun da spariziun dal consort da la mamma;
- c.¹⁵⁷ la renconuschientscha d'in uffant minore;
- c^{bis}.¹⁵⁸ la decleraziun davart la tgira genituriala cuminaivla ch'è vegnida fatga ensemen cun la renconuschientscha sco er la cunvegna davart l'imputaziun da la bunificaziun d'educaziun;
- d. la mort d'in genitur ch'exequescha la tgira genituriala;
- e. il chat d'in uffant chattà;
- f.¹⁵⁹ l'adopziun d'in uffant a l'exteriur.

² La comunicaziun vegn fatga a l'autorità per la protecziun d'uffants:¹⁶⁰

- a. dal domicil da la mamma il mument da la naschientscha da l'uffant (al. 1 lit. a e c);
- b.¹⁶¹ dal domicil da l'uffant (al. 1 lit. b, d ed f);
- c. al lieu da chat (al. 1 lit. e).

¹⁵⁵ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹⁵⁶ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹⁵⁷ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹⁵⁸ Integrà tras la cifra I da l'O dals 14 da matg 2014, en vigur dapi il 1. da fan. 2014, segunda part da la frasa dapi il 1. da schan. 2015 (AS 2014 1327).

¹⁵⁹ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁶⁰ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

¹⁶¹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

³ L'autorità da surveglianza communitgescha a l'autorità per la protecziun d'uffants, che sa chatta al domicili da la persuna en dumonda, l'entrada d'ina dumonda per la renconuschientscha d'ina lètg ch'è vegnida concludida a l'exteriur cun ina persuna minorena.¹⁶²

Art. 51¹⁶³ Al Secretariat da stadi per migraziun¹⁶⁴

¹ L'uffizi da stadi civil ch'è cumpetent per la documentaziun communitgescha al Secretariat da stadi per migraziun ils suandants eveniments da stadi civil che concernan persunas cun basegn da protecziun, requirents d'asil, requirents d'asil refusads, persunas admessas provisoricamain, fugitivs admess provisoricamain u fugitivs cun ina permissiun da dimora u da domicili.¹⁶⁵

- a. naschienschas;
- b. renconuschientschas d'uffants;
- c. maridaglias e partenadis registrads;
- d. mortoris.

² L'uffizi da stadi civil ch'è cumpetent per la preparaziun da la maridaglia u per la procedura preliminar da partenadi registrà fa ultra da quai las comunicaziuns tenor ils artitgels 67 alinea 5, 74a alineas 6 literas b e c sco er 7, 75f alinea 5 e 75m alineas 6 literas b e c sco er 7.

Art. 52 A l'Uffizi federal da statistica

¹ L'Uffizi federal da statistica survegn las indicaziuns statisticas tenor l'Ordinaziun dals 30 zercladur 1993¹⁶⁶ davart la realisaziun da las retschertgas statisticas federalas.

² La datas vegnan furnidas en moda automatisada ed en furma electronica.¹⁶⁷

¹⁶² Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

¹⁶³ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁶⁴ La designaziun da l'unitad administrativa è vegnida adattada per il 1. da schan. 2015 applitgond l'art. 16 al. 3 da l'O dals 17 da nov. 2004 davart las publicaziuns uffizialas (AS 2004 4937). Questa adattaziun è vegnida fatga en tut il text.

¹⁶⁵ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

¹⁶⁶ SR 431.012.1

¹⁶⁷ Integrà tras la cifra 2 da l'aggiunta da l'O dals 21 da nov. 2007 davart l'armonisaziun dals registers, en vigur dapi il 1. da schan. 2008 (AS 2007 6719).

Art. 52a¹⁶⁸ A l'Uffizi federal da polizia

Il register da stadi civil informatisà trasmetta a la banca da datas RIPOLE tenor l'artitgel 15 da la Lescha federala dals 13 zercladur 2008¹⁶⁹ davart ils systems d'infurmaziun da polizia federala automaticamain ina infurmaziun electronica correspundenta en cas che datas da personas RIPOLE, a las qualas l'Uffizi federal da polizia ha access tenor la tabella en l'aggiunta, vegnan midadas.

Art. 53¹⁷⁰ A l'autorità da la AVS

¹ L'uffizi da stadi civil responsabel per la documentaziun communitgescha al UCC per mintga persuna:

- a. tar la naschientscha (art. 15a al. 1) u tar l'inscripziun pli tard en il register da stadi civil (art. 15a al. 2) las datas tenor l'artitgel 8 literas a cifra 1, c, d, e cifras 1 e 3, f, l, m ed n cifras 1 e 2;
- b. la midada da las datas communitgadas, inditgond il numer d'assicuranza AVS (art. 8 lit. b);
- c. en cas da la decleraziun da spariziun u da la mort las datas tenor l'artitgel 8 literas a cifra 1, c, d, e cifras 1 e 3, f, g, l, m ed n cifras 1 e 2.

² La datas vegnan furnidas automaticamain ed en furma electronica.

Art. 54 Ad autoritads estras

¹ Ad autoritads estras vegnan communitgadas datas davart il stadi civil da lur burgais, sch'ina cunvegna internaziunala prevesa quai.

² Sch'i manca ina tala cunvegna, po in'annunzia vegnir fatga da princip mo tras las personas autorisadas (art. 59). Reselvada resta en cas excepziunals la consegna d'uffizi d'in excerpt sin dumonda d'ina autorità estra (art. 61).

³ Communicaziuns tenor l'alinea 1 trasmetta l'uffizi da stadi civil directamain al SIS per mauns da la represchentanza estra, nun che la cunvegna internaziunala prevesia ina regulaziun divergenta.¹⁷¹

Art. 55 Annunzias da mort a represchentanzas estras

¹ L'uffizi da stadi civil dal lieu dal mortori annunzia tut ils mortoris da burgais esters, ch'el ston documentar, a la represchentanza dal stadi d'origin, en il circul consular da la tala il mortori è capità (art. 37 lit. a da la Conv. da Vienna dals 24 d'avrigl 1963¹⁷² davart las relaziuns consularas).

¹⁶⁸ Integrà tras la cifra I da l'O dals 26 d'oct. 2016 (AS **2016** 3925). Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS **2018** 4309).

¹⁶⁹ SR **361**

¹⁷⁰ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS **2010** 3061).

¹⁷¹ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS **2018** 4309).

¹⁷² SR **0.191.02**

² L'annunzia vegn fatga immediatamain e cuntegna las suandantas indicaziuns, uschenavant ch'ellas èn disponiblas:

- a. num(s) da famiglia;
- b. prenum(s);
- c. schlattaina;
- d. lieu e data da la naschientscha;
- e. lieu e data da la mort.

Art. 56 Ad auters posts

¹ Resalvadas restan ulteriuras obligaziuns da comunicaziun e d'annunzia dals uffizis da stadi civil sin basa dal dretg da la Confederaziun u dals chantuns.

² Personas cun in dretg da burgais u cun in dretg da corporaziun vegnan marcadadas sco talas en il register sin basa da las indicaziuns dals posts chantunals cumpetents.¹⁷³

³ Per las autoritads che survegnan las comunicaziuns u las annunzias valan er ils princips da secretezza (art. 44).¹⁷⁴

Art. 57¹⁷⁵

3. secziun Communicaziun sin dumonda

Art. 58 A dretgiras ed ad autoritads administrativas

Las autoritads dal stadi civil èn obligadas da communitgar a dretgiras ed ad autoritads administrativas sin dumonda las datas davart il stadi civil ch'èn necessarias per ademplir lur incumbensas legalas.

Art. 59 A personas privatas

Las datas davart il stadi civil vegnan communitgadas a personas privatas che han in interess direct ch'è degn da vegnir protegì, sch'i n'è betg pussaivel u evidentamain insupportabel da las procurar tar las personas ch'èn pertutgadas directamain.

¹⁷³ Versiun tenor la cifra I da l'O dals 9 da dec. 2005, en vigur dapi il 1. da schan. 2006 (AS 2005 5679).

¹⁷⁴ Integrà tras la cifra I da l'O dals 9 da dec. 2005, en vigur dapi il 1. da schan. 2006 (AS 2005 5679).

¹⁷⁵ Aboli tras la cifra I da l'O dals 26 d'oct. 2016, cun effect dapi il 1. da fan. 2017 (AS 2016 3925).

Art. 60¹⁷⁶ A perscrutaders

¹ A perscrutaders vegnan communitgadas datas davart il stadi civil, sch'i n'è betg pussaivel u evidentamain insupportabel da las procurar tar las personas pertutgadas; las datas vegnan communitgadas sin basa d'ina permissiun da l'autorità da surveglianza.

² Las datas vegnan communitgadas sut las cundiziuns da la protecziun da datas; en spezial èn ils perscrutaders obligads:

- a. d'anonimisar las datas, uschespert che l'intent da l'elavuraziun permetta quai;
- b. da dar vinavant las datas mo cun il consentiment dal funcziunari da stadi civil;
- c. da garantir en cas ch'ils resultats vegnan publitgads che las personas pertutgadas n'èn betg identifitgables.

³ Sche las datas vegnan communitgadas per l'intent da la perscrutaziun che sa refesch a tschertas personas, dastgan ils resultats vegnir publitgads mo cun il consentiment en scrit da las personas pertutgadas. Il consentiment sto vegnir procurà dal perscrutader.

Art. 61 Ad autoritads estras

¹ Sch'i n'exista nagina cunvegna internaziunala (art. 54), pon – en cas excepziunals – datas davart il stadi civil vegnir communitgadas sin dumonda ad ina represchentanza estra.

² La dumonda sto vegnir drizzada al UFSC.

³ La represchentanza estra sto cumprovar:

- a. ch'ella n'ha betg pudi survegnir l'infurmaziun giavischada da la persona autorisada (art. 59), e quai malgrà stentas suffizientas;
- b. che la persona autorisada refusa la comunicaziun senza in motiv suffizient, en spezial per guntgir ina disposiziun legala svizra u estra;
- c. ch'i valan per ella prescripziuns dal dretg davart la protecziun da datas ch'èn cumparegliablas cun talas da la Svizra;
- d. ch'ella observa il princip da la vicendaivladad.

⁴ Sche la cumprova è furnida u sch'i sa tracta d'in attest da mort che vegn pretendi d'ina autorità d'in stadi contractant da la Convenziun da Vienna dals 24 d'avrigl 1963¹⁷⁷ davart las relaziuns consularas per in agen burgais, emposta il UFSC l'excerpt correspondent directamain tar l'uffizi da stadi civil. Quel transmitta il document directamain a l'Uffizi federal per mauns da la represchentanza estra.

⁵ I na vegnan incassads naginas taxas.

¹⁷⁶ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁷⁷ SR 0.191.02

7. chapitel Preparaziun e celebraziun da la maridaglia

1. secziun Procedura da preparaziun

Art. 62 Cumpetenzza

¹ Cumpetent per realisar la procedura da preparaziun è:

- a. l'uffizzi da stadi civil dal domicil svizzer da la spusa u dal spus;
- b. l'uffizzi da stadi civil che duai celebrar la maridaglia, sche tuts dus spus han lur domicil a l'exteriur.

² Ina midada posteriura dal domicil n'eliminescha betg la cumpetenzza ch'è vegnida fundada ina giada.

³ Sch'in dals spus è en privel da mort, po il funcziunari da stadi civil al lieu da dimora da quest spus, sin conferma dal medi, exequir la procedura da preparaziun e celebrar la maridaglia.¹⁷⁸

Art. 63 Inoltraziun da la dumonda

¹ Ils spus inolteschan la dumonda d'exequir la procedura da preparaziun tar l'uffizzi da stadi civil cumpetent.

² Spus che sa trategnan a l'exteriur pon inoltrar lur dumonda tras l'intermediaziun da la represchentananza cumpetenta da la Svizra.

Art. 64¹⁷⁹ Documents

¹ A la dumonda agiunschan ils spus ils suandants documents:

- a. certificats davart il domicil actual;
- b. documents davart la naschienscha, la schlattaina, il num, la derivanza, il stadi civil (spus ch'èn stads maridads u che han vivi en in partenadi registrà: la data da la schliaziun da la lètg u dal partenadi registrà) sco er ils lieus d'origin e la naziunalitad, sche las indicaziuns davart il stadi civil actual dals spus n'èn betg anc vegnidas registradas u sche las datas disponiblas n'èn betg correctas, n'èn betg cumpletas u n'èn betg sin il stadi il pli actual;
- c. documents davart la naschienscha, la schlattaina, il num e la derivanza d'uffants cuminaivels, sche la relaziun da figlialanza n'è betg anc vegnida registrada u sche las datas disponiblas n'èn betg correctas, n'èn betg cumpletas u n'èn betg sin il stadi il pli actual.

² Spus che n'èn betg burgais svizzers agiunschan ultra da quai in document per cumprovar la legalitad da lur dimora en Svizra fin il mument probabel da la maridaglia.

¹⁷⁸ Integrà tras la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

¹⁷⁹ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

Art. 65 Decleraziuns

¹ Ils spus decleran davant il funcziunari da stadi civil:

- a. che las indicaziuns en la dumonda ed ils documents preschentads èn sin il stadi il pli actual, cumplets e corrects;
- b.¹⁸⁰ ...
- c.¹⁸¹ ch'els n'èn ni tras derivanza corporala ni tras adopziun parents in cun l'auter en lingua directa e n'èn betg fragliuns u mezs fragliuns;
- d.¹⁸² ch'els n'han betg taschentà ina lètg existenta u in partenadi registrà existent.

^{1bis} Il funcziunari da stadi civil renda attent ils spus che la maridaglia premettia lur libra voluntad.¹⁸³

² Il funcziunari da stadi civil renda attent ils spus a lur obligaziun da dir la vardad ed als infurmescha davart las consequenzas penalas en cas:

- a. d'ina maridaglia sfurzada (art. 181a dal Cudesch penal¹⁸⁴; CP);
- b. d'in malfatg cunter l'integritad sexuala (art. 187–200 CP);
- c. d'in crim u d'in delict cunter la famiglia (art. 213–220 CP);
- d. d'ina sfalsificaziun da documents (art. 251–257 CP);
- e. d'ina cuntravenziun cunter ils artitgels 115–122 da la Lescha federala dals 16 da december 2005¹⁸⁵ davart las persunas estras e l'integrasiun (LEI)^{186,187}

^{2bis} Il funcziunari da stadi civil legalisescha uffizialmain las suttascripziuns.¹⁸⁸

³ En cas motivads po la decleraziun tenor l'alinea 1 vegnir acceptada ordaifer ils locals uffizials.¹⁸⁹

Art. 66 Examinaziun da la dumonda

¹ L'uffizi da stadi civil fa l'examinaziun tenor l'artitgel 16.

¹⁸⁰ Aboli tras la cifra I da l'O dals 7 da nov. 2012, cun effect dapi il 1. da schan. 2013 (AS 2012 6463).

¹⁸¹ Versiun tenor la cifra I da l'O dals 9 da dec. 2005, en vigur dapi il 1. da schan. 2006 (AS 2005 5679).

¹⁸² Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

¹⁸³ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

¹⁸⁴ SR 311.0

¹⁸⁵ SR 142.20

¹⁸⁶ Il titel è vegni adattà per il 1. da schan. 2019 applitgond l'art. 12 al. 2 da la LF dals 18 da zer. 2004 davart las publicaziuns uffizialas (SR 170.512). Questa adattaziun è vegnida fatga en tut il text.

¹⁸⁷ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

¹⁸⁸ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

¹⁸⁹ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

² Supplementarmain examinescha el:

- a. sche la dumonda è vegnida inoltrada en la furma correcta;
- b. sch' ils documents necessaris e las decleraziuns èn avant maun;
- c. sche l' abilitad da maridar dals dus spus constat (art. 94 CCS);
- d.¹⁹⁰ sch' i n' èn betg avant maun impediments per la lètg (art. 95, 96 CCS e 26 LPart: nagins impediments per la lètg motivads da parentella, d' ina lètg existenta u d' in partenadi registrà existent);
- e.¹⁹¹ sch' ils spus che n' èn betg burgais svizzers han cumprovà lur dimora legala en Svizra durant la procedura da preparaziun (art. 98 al. 4 CCS);
- f.¹⁹² sch' i na sa lascha betg percepir ina circumstanza che permetta da concluder che la dumonda na correspunda evidentamain betg a la libra voluntad dals spus (art. 99 al. 1 cifra 3 CCS).

³ L' uffizi da stadi civil po examinar la legalitad da la dimora sa basond sin il Sistem d' infurmaziun central davart la migraziun. En cas da dubi po el la laschar examinar tar l' autoritad responsabla per las personas estras al lieu da domicil u da dimora dals spus. Questa autoritad è obligada da dar l' infurmaziun gratuitamain ed immediatamain.¹⁹³

Art. 67¹⁹⁴ Terminaziun da la procedura da preparaziun

¹ Il funcziunari da stadi civil constatescha il resultat da la procedura da preparaziun.

² Sche las premissas tenor l' artitgel 66 alinea 2 èn ademplidas, communitgescha l' uffizi da stadi civil als spus la decisium che la maridaglia possia avair lieu. El fixe-scha ils detagls da l' execuziun u renviescha ils spus a l' uffizi da stadi civil che quels han tscherni per la maridaglia.¹⁹⁵

³ Sche las premissas per la lètg n' èn betg ademplidas u sch' i restan dubis considerabels, refusescha l' uffizi da stadi civil la maridaglia.¹⁹⁶

¹⁹⁰ Versiun tenor la cifra I da l' O dals 28 da zer. 2006, en vigur dapi il 1. da schan. 2007 (AS 2006 2923).

¹⁹¹ Integrà tras la cifra I da l' O dals 4 da zer. 2010, en vigur dapi il 1. da schan. 2011 (AS 2010 3061).

¹⁹² Integrà tras la cifra I da l' O dals 27 da mars 2013, en vigur dapi il 1. da fan. 2013 (AS 2013 1045).

¹⁹³ Integrà tras la cifra I da l' O dals 4 da zer. 2010, en vigur dapi il 1. da schan. 2011 (AS 2010 3061).

¹⁹⁴ Versiun tenor la cifra I da l' O dals 4 da zer. 2010, en vigur dapi il 1. da schan. 2011 (AS 2010 3061).

¹⁹⁵ Versiun tenor la cifra I da l' O dals 20 da nov. 2019, en vigur dapi il 1. da schan. 2020 (AS 2019 3815).

¹⁹⁶ Versiun tenor la cifra I da l' O dals 27 da mars 2013, en vigur dapi il 1. da fan. 2013 (AS 2013 1045).

⁴ La decisiun dal funcziunari da stadi civil da refusar la maridaglia vegn communi-
tgada en scrit als spus; ella cuntegna ina indicaziun dals meds legals.

⁵ L'uffizi da stadi civil communitgescha a l'autorità responsabla per las persunas
estras al lieu da dimora da la persuna pertutgada l'identità da spus che n'han betg
cumprovà che lur dimora en Svizra saja legala.

⁶ La denunzia da las cuntravenziuns constatadas e las mesiras da protecziun sa driz-
zan tenor l'artitgel 16 alinea 7.¹⁹⁷

Art. 68¹⁹⁸ Termin

La maridaglia po avair lieu entaifer 3 mais sunter la comunicaziun da la decisiun
davart il resultat positiv da la procedura da preparaziun.

Art. 69¹⁹⁹ Collavuraziun

¹ Sch'igl è evidentamain insupportabel per in dals spus da cumparair persunalmain
tar l'uffizi da stadi civil competent en la procedura da preparaziun, po vegnir preten-
dida – en spezial per l'acceptaziun da la decleraziun tenor l'artitgel 65 alinea 1 – la
collavuraziun da l'uffizi da stadi civil al lieu da dimora.

² Spus che sa trategnan a l'exteriur, pon consegnar la decleraziun tenor l'artitgel 65
alinea 1 ad ina represchentanza da la Svizra. En cas excepziunals motivads po la
decleraziun vegnir consegnada – cun la permissiun dal funcziunari da stadi civil – er
ad in funcziunari da documentaziun ester che legalisescha la suttascripziun.

2. secziun Maridaglia

Art. 70 Lieu

¹ La maridaglia vegn celebrada en il local da maridaglia dal circol da stadi civil
ch'ils spus han tschernì (art. 67 al. 2).

² Sch'ils spus cumprovan ch'i na po evidentamain betg vegnir pretendi dad els da
render en il local da maridaglia, po il funcziunari da stadi civil celebrar la maridaglia
en in auter local.

³ Sche la procedura da preparaziun è vegnida fatga en in auter circol da stadi civil,
ston ils spus preschentar l'autorisaziun da maridaglia.²⁰⁰

¹⁹⁷ Integrà tras la cifra I da l'O dals 27 da mars 2013, en vigur dapi il 1. da fan. 2013
(AS 2013 1045).

¹⁹⁸ Versiun tenor la cifra I da l'O dals 20 da nov. 2019, en vigur dapi il 1. da schan. 2020
(AS 2019 3815).

¹⁹⁹ Versiun tenor la cifra I da l'O dals 4 da zer. 2010, en vigur dapi il 1. da schan. 2011
(AS 2010 3061).

²⁰⁰ Integrà tras la cifra I da l'O dals 28 da zer. 2006, en vigur dapi il 1. da schan. 2007
(AS 2006 2923).

Art. 71 Furma da la maridaglia

¹ La maridaglia vegn celebrada publicamain ed en preschientscha da duas perditgas maiorennas ed ablas da giuditgar. Quellas ston vegnir nominadas dals spus.²⁰¹

² La maridaglia vegn celebrada en moda ch'il funcziunari da stadi civil fa a mintgin dals spus la dumonda:

«N. N., jau As fatsch la dumonda: Vulais Vus maridar M. M.?»

«M. M., jau As fatsch la dumonda: Vulais Vus maridar N. N.?»

³ Sche tuts dus spus dattan ina resposta affirmativa a la dumonda, declera il funcziunari da stadi civil:

«Dapi che Vus dus avais dà ina resposta affirmativa a mia dumonda, è Vossa lètg concludida en virtid da Voss consentiment vicendaivel.»

⁴ Directamain suenter la maridaglia vegn il mussament ch'è vegni preparà per registrar la maridaglia, sutscrit dals conjugals, da las perditgas e dal funcziunari da stadi civil.

⁵ Sche las circumstanzas laschan percepir, che la dumonda da maridaglia na correspunda evidentamain betg a la libra voluntad dals spus, refusa il funcziunari da stadi civil da celebrar la maridaglia ed annullescha l'autorisaziun da maridaglia cun comunitgar en scrit la decisiun als spus ed al funcziunari da stadi civil che ha realisà la procedura da preparaziun. El denunzia ils fatgs a las autoritads da persecuziun penala (art. 16 al. 7).²⁰²

Art. 72 Prescripziuns organisatoricas spezialas

¹ Il funcziunari da stadi civil po restrenscher il dumber da personas participantas per motivs d'organisaziun. Tgi che disturba la maridaglia, vegn spedi davent.

² La maridaglia da plirs pèrs a medem temp dastga mo avair lieu, sche tut ils spus èn d'accord cun quai.

³ Durant dumengias e firads generals che valan a la sedia uffiziala da l'uffizi da stadi civil na dastgan vegnir celebradas naginas maridaglias.

3. secziun Maridaglia da burgais esters**Art. 73** Domicil a l'exteriur

¹ L'autorità da surveglianza decida davart dumondas da conceder ina permissiun da maridaglia tranter spus esters che n'abitan tuts dus betg en Svizra (art. 43 al. 2 LDIP²⁰³).

²⁰¹ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

²⁰² Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²⁰³ SR 291

² La dumonda sto vegnir inoltrada a l'uffizi da stadi civil che duai celebrar la maridaglia. D'aggiuntar èn:

a. la decleranza da renconuschientscha da la lètg dal stadi d'origin u da domicil da tuts dus spus (art. 43 al. 2 LDIP);

b.²⁰⁴ ils documents tenor l'artitgel 64.

³ A medem temp cun decider davart la dumonda, decida l'autorità da surveglianza davart l'organisaziun en scrit da la procedura da preparaziun (art. 69).²⁰⁵

Art. 74²⁰⁶

Art. 74a²⁰⁷ Guntgida dal dretg da persunas estras

¹ Il funcziunari da stadi civil ch'è cumpetent per l'organisaziun da la procedura da preparaziun da la lètg u per la maridaglia, n'entra betg en la dumonda, sch'ils spus na vulan evidentamain betg fundar ina communidad da vita, mabain vulan guntgir las disposiziuns davart l'admissiun e davart la dimora da persunas estras (art. 97a CCS).

² Il funcziunari da stadi civil taidla ils spus separadamain. Excepziunalmain vegnan ils spus taclads cuminaivlamain, sche quai para dad esser pli adattà per sclerir ils fatgs. Ils spus han la pussaivladad d'inoltrar documents.

³ Il funcziunari da stadi civil pretenda il dossier da las autoritads responsablas per las persunas estras; el po procurar per infurmaziuns er tar autras autoritads u tar terzas persunas.

⁴ Las autoritads èn obligadas da dar las infurmaziuns gratuitamain ed immediatamain.

⁵ L'audiziun dals spus e las infurmaziuns dadas a bucca u per telefon vegnan protolladas.

⁶ Il funcziunari da stadi civil communitgescha en scrit sia decisiun da refuser la dumonda da preparaziun da la lètg u da betg celebrar la maridaglia a las suandantas persunas ed als suandants posts:

a. als spus; la decisiun cuntegna ina indicaziun dals meds legals;

b. a l'autorità da surveglianza dal chantun d'origin, sch'in dals dus spus poseda il dretg da burgais svizzer;

c. a l'autorità da surveglianza dal chantun da domicil dals spus.²⁰⁸

²⁰⁴ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²⁰⁵ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²⁰⁶ Aboli tras la cifra I da l'O dals 27 da mars 2013, cun effect dapi il 1. da fan. 2013 (AS 2013 1045).

²⁰⁷ Integrà tras la cifra I da l'O dals 24 d'oct. 2007, en vigur dapi il 1. da schan. 2008 (AS 2007 5625).

²⁰⁸ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁷ L'uffizi da stadi civil annunzia a l'autorità chantunala responsabla per las persunas estras al lieu da dimora da la persuna pertugada ils fatgs che inditgeschan che la maridaglia intenziunada u celebrada vul guntgir las disposiziuns davart l'admissiun e davart la dimora da persunas estras (art. 82a OADA²⁰⁹). Ultra da quai comunitàgescha el ad ella il resultat d'eventuals scleriments, sia decisiun e l'eventuala retratga da la dumonda.²¹⁰

⁸ La denunzia da las cuntravenziuns constatadas e las mesiras da protecziun sa drizzan tenor l'artitgel 16 alinea 7.²¹¹

4. secziun Attests d'abiltad da maridar

Art. 75

¹ In attest d'abiltad da maridar ch'è necessari per celebrar la maridaglia d'in burgais svizzer a l'exteriur, vegn emess sin dumonda da tuts dus spus.

² La cumpetenza e la procedura sa drizzan tenor il senn tenor las prescripziuns davart la procedura da preparaziun per ina maridaglia en Svizra (art. 62–67, 69 e 74a). Sch'i n'exista nagin domicil en Svizra, è cumpetent l'uffizi da stadi civil dal lieu d'origin dals spus.²¹²

7a. chapitel²¹³

Partenadi registrà

1. secziun Procedura preliminar

Art. 75a Cumpetenza

¹ Cumpetent per realisar la procedura preliminar è:

- a. l'uffizi da stadi civil al domicil svizzer d'in dals partenaris;
- b. l'uffizi da stadi civil che duai far l'inscripziun dal partenadi, sche tuts dus partenaris han lur domicil a l'exteriur e sch'in dad els posseda il dretg da burgais svizzer (art. 43 e 65a LDIP²¹⁴).

² Ina midada posteriura dal domicil n'eliminescha betg la cumpetenza ch'è vegnida fundada ina giada.

²⁰⁹ SR 142.201

²¹⁰ Integrà tras la cifra I da l'O dals 4 da zer. 2010 (AS 2010 3061). Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²¹¹ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²¹² Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²¹³ Integrà tras la cifra I da l'O dals 24 d'oct. 2007, en vigur dapi il 1. da schan. 2008 (AS 2007 5625).

²¹⁴ SR 291

³ Sch'in dals partenaris è en privel da mort, po il funcziunari da stadi civil al lieu da dimora da questa persuna realisar la procedura preliminar, sin conferma dal medi, e registrar il partenadi.

Art. 75b Inoltraziun da la dumonda

¹ Ils dus partenaris inolteschan la dumonda a l'uffizi da stadi civil cumpetent.

² Sche – tenor l'artitgel 75a – las autoritads svizras èn cumpetentas, pon partenaris che sa trategnan a l'exteriur inoltrar lur dumonda tras l'intermediaziun da la represchentanza cumpetenta da la Svizra.

Art. 75c Documents

¹ A la dumonda agiunschan ils partenaris ils suandants documents:

- a. certificats davart il domicil actual;
- b. documents davart la naschientscha, la schlattaina, il num, la derivanza, il stadi civil (partenaris che han vivi en in partenadi registrà u ch'èn stads maridads: la data da la schliaziun dal partenadi registrà u da la lètg) sco er ils lieus d'origin e la naziunalitad, sche las indicaziuns davart il stadi civil actual dals partenaris n'èn betg anc vegnidas registradas u sche las datas disponiblas n'èn betg correctas, n'èn betg cumpletas u n'èn betg sin il stadi il pli actual.

² ...²¹⁵

³ Partenaris che n'èn betg burgais svizzers agiunschan ultra da quai in document per cumprovar la legalitad da lur dimora en Svizra fin il mument probabel da la documentaziun dal partenadi registrà.²¹⁶

Art. 75d Decleraziuns

¹ Ils dus partenaris decleran davant il funcziunari da stadi civil:

- a. che las indicaziuns en la dumonda ed ils documents preschentads èn sin il stadi il pli actual, cumplets e corrects;
- b.²¹⁷ ...
- c. ch'els n'èn ni tras derivanza corporala ni tras adopziun parents in cun l'auter en lingia directa e n'èn nagins fragliuns u mezs fragliuns;
- d. ch'els n'han betg taschentà in partenadi registrà u ina lètg existentia.

²¹⁵ Aboli tras la cifra I da l'O dals 7 da nov. 2012, cun effect dapi il 1. da schan. 2013 (AS 2012 6463).

²¹⁶ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²¹⁷ Aboli tras la cifra I da l'O dals 7 da nov. 2012, cun effect dapi il 1. da schan. 2013 (AS 2012 6463).

^{1bis} Il funcziunari da stadi civil renda attent ils partenaris che la constituziun dal partenadi registrà premettia lur libra voluntad.²¹⁸

² Il funcziunari da stadi civil renda attent ils partenaris a lur obligaziun da dir la vardad ed als infurmescha davart las consequenzas penalas en cas:

- a. d'in partenadi registrà sfurzà (art. 181a CP²¹⁹);
- b. d'in malfatg cunter l'integritad sexuala (art. 187–200 CP);
- c. d'in crim u d'in delict cunter la famiglia (art. 213–220 CP);
- d. d'ina sfalsificaziun da documents (art. 251–257 CP);
- e. d'ina cuntravenziun cunter ils artitgels 115–122 LEI^{220,221}

^{2bis} Il funcziunari da stadi civil legalisescha uffizialmain las suttascripziuns.²²²

³ En cas motivads po la decleraziun tenor l'alinea 1 vegnir acceptada ordaifer ils locals uffizials.²²³

Art. 75e Examinaziun da la dumonda

¹ L'uffizi da stadi civil fa l'examinaziun tenor l'artitgel 16.

² Supplementarmain examinescha el:

- a. sche la dumonda è vegnida inoltrada en la furma correcta;
- b. sch'ils documents e las decleraziuns èn avant maun;
- c.²²⁴ sche las premissas per la documentaziun dal partenadi registrà èn ademplidas ed i n'èn avant maun nagins impediments per la registraziun (art. 3, 4 e 26 LPart);
- d.²²⁵ sch'ils partenaris che n'èn betg burgais svizzers han cumprovà lur dimora legala en Svizra durant la procedura preliminar (art. 5 al. 4 LPart);
- e.²²⁶ sch'i na sa lascha betg percepir ina circumstanza che permetta da concluder che la dumonda da registraziun na correspunda evidentamain betg a la libra voluntad dals partenaris (art. 6 al. 1 LPart).

²¹⁸ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²¹⁹ SR 311.0

²²⁰ SR 142.20

²²¹ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²²² Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²²³ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²²⁴ Versiun tenor la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

²²⁵ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²²⁶ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

³ L'uffizi da stadi civil po examinar la legalitad da la dimora sa basond sin il Sistem d'infurmaziun central davart la migraziun. En cas da dubi po el la laschar examinar tar l'autoritad responsabla per las personas estras al lieu da domicil u da dimora dals partenaris. Questa autoritad è obligada da dar l'infurmaziun gratuitamain ed immediatamain.²²⁷

Art. 75^f²²⁸ Terminaziun da la procedura preliminar

¹ Il funcziunari da stadi civil constatescha il resultat da la procedura preliminar.

² Sche las premissas tenor l'artitgel 75e alinea 2 èn ademplidas, communitgescha l'uffizi da stadi civil als partenaris la decisiun che la documentaziun possia avair lieu. El fixescha ils detagls da l'execuziun u renviescha ils partenaris a l'uffizi da stadi civil che quels han tschernì per la documentaziun.²²⁹

³ Sche las premissas n'èn betg ademplidas u sch'i restan dubis considerabels, refuse-scha l'uffizi da stadi civil la documentaziun.²³⁰

⁴ La decisiun dal funcziunari da stadi civil da refusar la documentaziun dal partenadi vegn communitgada en scrit als partenaris; ella cuntegna ina indicaziun dals meds legals.

⁵ L'uffizi da stadi civil communitgescha a l'autoritad responsabla per las personas estras al lieu da dimora da la persuna pertutgada l'identitad da partenaris che n'han betg cumprovà che lur dimora en Svizra saja legala.

⁶ La denunzia da las cuntravenziuns constatadas e las mesiras da protecziun sa drizzan tenor l'artitgel 16 alinea 7.²³¹

Art. 75g Mument da la documentaziun

La documentaziun dal partenadi registrà po avair lieu directamain suenter la communicaziun da la decisiun positiva da la procedura preliminar; ella sto avair lieu il pli tard 3 mais suenter questa decisiun.

²²⁷ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²²⁸ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²²⁹ Versiun tenor la cifra I da l'O dals 20 da nov. 2019, en vigur dapi il 1. da schan. 2020 (AS 2019 3815).

²³⁰ Versiun tenor la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²³¹ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

Art. 75h²³² Collavuraziun

¹ Sch'igl è evidentamain insupportabel per in dals partenaris da cumparair personalmain tar l'uffizi da stadi civil competent en la procedura preliminar, po vegnir pretendida – en spezial per l'acceptaziun da la decleraziun tenor l'artitgel 75d alinea 1 – la collavuraziun da l'uffizi da stadi civil al lieu da dimora.

² Mintga partenari che sa trategna a l'exteriur, po consegnar la decleraziun tenor l'artitgel 75d alinea 1 ad ina represchentanza da la Svizra. En cas excepziunals motivads po la decleraziun vegnir consegnada – cun la permissiun dal funcziunari da stadi civil – er ad in funcziunari da documentaziun ester che legalisescha la sutscriptiun.

2. secziun Constituziun dal partenadi registrà²³³**Art. 75j**²³⁴ Lieu

¹ Il partenadi registrà vegn constitui en il local uffizial dal circul da stadi civil ch'ils partenaris han tschernì (art. 75f al. 2).

² Sch'ils partenaris cumprovan ch'i na po evidentamain betg vegnir pretendi dad els da sa render en il local uffizial, po il funcziunari da stadi civil acceptar la decleraziun davart la constituziun dal partenadi en in auter local.

³ Sche la procedura preliminar è vegnida realisada en in auter circul da stadi civil, sto vegnir preschentada in'autorisaziun per constituir il partenadi.

Art. 75k Furma da la constituziun²³⁵

¹ La recepziun da la decleraziun da vulair constituir il partenadi registrà è publica.²³⁶

² Il funcziunari da stadi civil recepescha la decleraziun concordanta dals dus partenaris da vulair constituir in partenadi registrà, lascha suttascriver il document da partenadi da tuts dus partenaris ed al documentescha silsunter.²³⁷

³ Las sutscriptiuns ston vegnir legalisadas uffizialmain.

²³² Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²³³ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²³⁴ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²³⁵ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²³⁶ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²³⁷ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁴ Sche las circumstanzas laschan percepir che la dumonda da registraziun na correspunda evidentamain betg a la libra voluntad dals partenaris, refusa il funcziunari da stadi civil la documentaziun ed annullescha l'autorisaziun da constituir in partenadi cun communitgar en scrit la decisiun als partenaris ed al funcziunari da stadi civil che ha realisà la procedura preliminar. El denunzia ils fatgs a las autoritads da persecuziun penala (art. 16 al. 7).²³⁸

Art. 75²³⁹ Prescripziuns organisatoricas spezialas

¹ Il funcziunari da stadi civil po restrenscher il dumber da persunas participantas per motivs d'organisaziun. Tgi che disturba la constituziun d'in partenadi registrà vegn spedi davent.

² Durant dumengias e firads generals che valan a la sedia uffiziala da l'uffizi da stadi civil, na dastgan vegnir constituids nagins partenadis registrads.

3. secziun²⁴⁰ Partenadis registrads da burgais esters

Art. 75m

¹ Il funcziunari da stadi civil ch'è competent per l'organisaziun da la procedura preliminar u per la documentaziun dal partenadi registrà, n'entra betg en la dumonda, sch'in dals partenaris na vul evidentamain betg fundar ina communitad da vita, ma bain vul guntgir las disposiziuns davart l'admissiun e davart la dimora da persunas estras (art. 6 al. 2 LPart).

² Il funcziunari da stadi civil taidla ils partenaris separadamain. Excepciunalmain vegnan ils partenaris tadlads cuminaivlamain, sche quai para dad esser pli adattà per sclerir ils fatgs. Ils partenaris han la pussaivladad d'inoltrar documents.

³ Il funcziunari da stadi civil pretenda il dossier da las autoritads responsablas per las persunas estras; el po procurar per infurmaziuns er tar autras autoritads u tar terzas persunas.

⁴ Las autoritads èn obligadas da dar las infurmaziuns gratuitamain ed immediatamain.

⁵ L'audiziun dals partenaris e las infurmaziuns dadas a bucca u per telefon vegnan protocolladas.

⁶ Il funcziunari da stadi civil communitgescha en scrit sia decisiun da refuser la dumonda da realisar la preparaziun preliminar u da constituir il partenadi registrà ubain da recepir la decleraziun davart la constituziun a las suandantas persunas ed als suandants posts:

²³⁸ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²³⁹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁴⁰ Integrà tras la cifra I da l'O dals 24 d'oct. 2007, en vigur dapi il 1. da schan. 2008 (AS 2007 5625).

- a. als partenaris; la decisiun cuntegna ina indicaziun dals meds legals;
- b. a l'autorità da surveglianza dal chantun d'origin, sch'in dals dus partenaris posseda il dretg da burgais svizzer;
- c. a l'autorità da surveglianza dal chantun da domicil dals partenaris.²⁴¹

⁷ L'uffizi da stadi civil annunzia a l'autorità chantunala responsabla per las persunas estras al lieu da dimora da la persuna pertutgada ils fatgs che inditgeschan che la constituziun dal partenadi registrà intenziunada u succedida vul guntgir las disposiziuns davart l'admissiun e davart la dimora da persunas estras (art. 82a OADA²⁴²). Ultra da quai communitgescha el ad ella il resultat d'eventuals scleriments, sia decisiun e l'eventuala retratga da la dumonda.²⁴³

⁸ La denunzia da las cuntravenziuns constatadas e las mesiras da protecziun sa drizzan tenor l'artitgel 16 alinea 7.²⁴⁴

8. chapitel Sistem d'infurmaziun central da persunas²⁴⁵

Art. 76²⁴⁶ Organs responsabels

¹ Il UFG è responsabel per la gestiun sco er per il nov svilup e per l'ulteriu svilup (svilup) dal sistem d'infurmaziun central da persunas (sistem).

² El prenda en spezial mesiras per garantir la protecziun e la segirezza da las datas.

³ Ils posts che utiliseschan il sistem èn responsabels en lur sector che la protecziun e la segirezza da las datas sajan garantidas.

Art. 77²⁴⁷ Finanziaziun, prestaziuns e taxas

¹ La Confederaziun finanziescha la gestiun ed il svilup dal sistem. Ella procura che las applicaziuns funcziunan e ch'ils chantuns survegnian il sustegn tecnic specific.

² Ils chantuns pagan a la Confederaziun ina taxa annuala da 600 000 francs per utilizar il sistem per intents dal stadi civil. Il UFG sa cunvegna cun la Conferenza da las directuras e dals directurs chantunals da giustia e polizia (CDCGP) davart las modalitads da pajament e trametta annualmain il quint als chantuns.

²⁴¹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁴² SR 142.201

²⁴³ Integrà tras la cifra I da l'O dals 4 da zer. 2010 (AS 2010 3061). Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁴⁴ Integrà tras la cifra I da l'O dals 27 da mars 2013, en vigur dapi il 1. da fan. 2013 (AS 2013 1045).

²⁴⁵ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁴⁶ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁴⁷ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

³ Ils chantuns furneschan lur prestaziuns tenor ils artitgels 78–78b senza vegnir indemnisads da la Confederaziun.

Art. 78²⁴⁸ Integraziun dals chantuns en il svilup

¹ Ils chantuns vegnan integrads en il svilup dal sistem, uschenavant ch'ils intents dal stadi civil èn pertutgads.

² L'integraziun ha lieu en il rom d'ina cumissiun spezialisada e tras la consultaziun da persunas spezialisadas.

Art. 78a²⁴⁹ Cumissiun spezialisada

¹ Cun l'intent da laschar cooperar ils chantuns al svilup dal sistem vegn nominada ina cumissiun spezialisada.

² La cumissiun spezialisada sa cumpona da nov commembers. Il UFG e la CDCGP designeschan mintgamai quatter represchentants. Supplementarmain nominescha il UFG il parsura.

³ La cumissiun spezialisada ha en spezial las suandantas incumbensas:

- a. elavurar basas e recomandaziuns per il svilup dal sistem;
- b. tractar dumondas specificas concernent l'applicaziun dal sistem.

⁴ Il UFG po fixar ils detagls da l'organisaziun da la cumissiun spezialisada en in reglament.

Art. 78b²⁵⁰ Persunas spezialisadas

¹ Ils chantuns mettan a disposiziun al UFG gratuitamain persunas spezialisadas per il svilup dal sistem.

² Las persunas spezialisadas coopereschan en spezial tar las suandantas incumbensas:

- a. elavurar ed examinar concepts e pretensiuns;
- b. skizzar scenaris da test e cas da test;
- c. far tests cun il sistem;
- d. documentar il sistem.

²⁴⁸ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁴⁹ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁵⁰ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

Art. 79 Dretgs d'access

¹ Ils dretgs d'access da las autoritads participadas sa drizzan tenor ils dretgs e las obligaziuns fixads en questa ordinaziun.²⁵¹

² En l'aggiunta vegnan els preschentads en ina tabella.

³ L'access vegn endrizzà, midà ed aboli tras il SIS.²⁵²

⁴ Dumondas d'access tras ina procedura d'invista tenor l'artitgel 43a alinea 4 CCS ston vegnir drizzadas al UFG.²⁵³

Art. 79a²⁵⁴ Segirada da las datas

Il UFG è responsabel per segirar las datas dal sistem.

Art. 80²⁵⁵ Caracters

Las datas vegnan registradas tenor il set da caracters (norma ISO 8859-15²⁵⁶).

9. chapitel Protecziun e segirezza da las datas**Art. 81** Dretg da dar infurmaziuns

¹ Mintga persuna po pretender infurmaziuns da l'uffizi da stadi civil dal lieu d'eveniment u d'origin davart las datas che la concernan.

² L'infurmaziun vegn dada tenor l'artitgel 47. Ils custs sa drizzan tenor l'Ordinaziun dals 27 d'october 1999²⁵⁷ davart las taxas en ils fatgs dal stadi civil.²⁵⁸

Art. 82 Segirezza da las datas

¹ Las datas davart il stadi civil, davart ils programs e davart las documentaziuns dals programs ston vegnir protegidas adequatamain cunter mintga access nunautorisà, cunter midada u destrucziun nunautorisadas sco er cunter mintga enguladitsch.

²⁵¹ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁵² Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁵³ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁵⁴ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁵⁵ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁵⁶ La norma pon ins retrair tar l'Associazion svizra per normas, Sulzerallee 70, 8404 Winterthur; www.snv.ch. Ella po er vegnir consultada en l'internet sin la pagina da l'Organisaziun internaziunala da normalisaziun (www.iso.org).

²⁵⁷ SR 172.042.110

²⁵⁸ Versiun tenor la cifra II 2 da l'aggiunta da l'O dals 8 da dec. 2017 davart l'emissiun da documents publics electronicas e da legalisaziuns electronicas, en vigur dapi il 1. da favr. 2018 (AS 2018 89).

² Ils uffizis da stadi civil, las autoritads da surveglianza ed il UFSC prendan en lur sectur las mesiras organisatoricas e tecnicas necessarias per garantir la segirezza da las datas davart il stadi civil e per mantegnair la documentaziun dal stadi civil en cas d'ina interrupziun dal sistem.

³ Sin basa da las prescripziuns dal Cussegl federal sco er dal DFGP pertutgant la segirezza da l'informatica decretescha il UFSC directives davart las pretensiuns envers la segirezza da las datas e procura per la coordinaziun cun ils chantuns.

Art. 83 Surveglianza

¹ Las autoritads da surveglianza ed il UFSC surveglian che la protecziun e la segirezza da las datas vegnia observada en il rom da lur activitad da surveglianza e d'inspeziun (art. 84 ed 85). Els procuran che las mancanzas en connex cun la protecziun e cun la segirezza da las datas vegnian eliminadas uschè svelt sco pussaivel.

² Il UFSC consultescha l'Incumbensà federal per la protecziun da datas e per la trasparenza sco er il Center nazional per la cybersegirezza.²⁵⁹

10. chapitel Surveglianza e cumpetenzas da las autoritads federalas²⁶⁰

Art. 84 Autoritads

¹ Il UFSC ha la surveglianza suprema dal stadi civil svizzer.²⁶¹

² Las autoritads da surveglianza procuran per l'execuziun fidada e professiunala dal stadi civil en lur chantun. Plirs chantuns pon prevair ina repartiziun da las incumbensas u unir lur autoritads da surveglianza. En encliegentscha cun il UFSC fan els las cunvegns necessarias.

³ Il UFSC ha en spezial las suandantas incumbensas:²⁶²

- a.²⁶³ decretar directives davart la documentaziun dal stadi civil, preparar e celebrar la maridaglia, preparar e registrar in partenadi sco er garantir ils registers ed ils mussaments;
- b. inspeziunar ils uffizis da stadi civil, las autoritads da surveglianza ed ils archivs chantunals dal stadi civil;
- c.²⁶⁴ ...

²⁵⁹ Versiun tenor la cifra 9 da l'agiunta da l'O dals 24 da favr. 2021, en vigur dapi il 1. d'avr. 2021 (AS **2021** 132).

²⁶⁰ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS **2016** 3925).

²⁶¹ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS **2016** 3925).

²⁶² Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS **2018** 4309).

²⁶³ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS **2006** 2923).

²⁶⁴ Aboli tras la cifra I da l'O dals 31 d'oct. 2018, cun effect dapi il 1. da schan. 2019 (AS **2018** 4309).

⁴ Per barattar e per procurar per documents dal stadi civil po el tractar directamain cun las represchentanzas da la Svizra a l'exteriur sco er cun autoritads ed uffizis esters.

⁵ Il UFG²⁶⁵ po concluder independentamain contracts internaziunals d'impurtanza limitada en il sector dal barat e da la procuraziun da datas davart il stadi civil.²⁶⁶

⁶ Il SIS è responsabel per il aspects tecnicos da la gestiun, dal svilup e da la scolaziun sco er per il support dal register da stadi civil. El ha en spezial las suandantas incumbensas:

- a. decretar directivas tecnicas;
- b. realisar inspeziuns tecnicas;
- c. tgirar ils registers da las vischnancas e dals lieus d'origin;
- d. barattar e procurar per documents dal stadi civil;
- e. armonisar ils registers cun il numer d'assicuranza da la AVS.²⁶⁷

Art. 85 Inspecziun e rapport

¹ Las autoritads da surveglianza laschan inspeziunar ils uffizis da stadi civil almain mintga 2 onns. Sch'in uffizi da stadi civil na garantescha betg in'execuziun professiunala e fidada da sias incumbensas, organischeschan ellas las inspeziuns uschè savens sco necessari, cun la finamira d'eliminar immediatamain las mancanzas.

² Las autoritads da surveglianza rapportan al UFSC annualmain davart:²⁶⁸

- a. l'adempliment da lur incumbensas (art. 45 al. 2 CCS);
- b. il decret e la midada da prescripziuns e da directivas chantunalas;
- c. la gestiun dals uffizis da stadi civil, en spezial davart ils resultats da las inspeziuns e davart las mesiras prendidas;
- d. la giurisdicziun da princip en il stadi civil;
- e. l'adempliment d'incumbensas, davart las qualas ins è spezialmain obligà da rapportar, sco l'observaziun da la protecziun da las datas, la garanzia da la segirezza da las datas sco er mesiras per l'integrasiun da persunas cun impediments (art. 18 da la Lescha federala dals 13 da dec. 2002²⁶⁹ davart l'egualità da persunas cun impediments);
- f. las enconuschientschas per optimar l'adempliment da las incumbensas.

²⁶⁵ Expressiun tenor la cifra I da l'O dals 31 d'oct. 2018, en vigor dapi il 1. da schan. 2019 (AS 2018 4309). Questa midada è vegnida resguardada en l'entir decret.

²⁶⁶ Integrà tras la cifra I da l'O dals 26 d'oct. 2016, en vigor dapi il 1. da fan. 2017 (AS 2016 3925).

²⁶⁷ Integrà tras la cifra I da l'O dals 31 d'oct. 2018, en vigor dapi il 1. da schan. 2019 (AS 2018 4309).

²⁶⁸ Versiun tenor la cifra I da l'O dals 26 d'oct. 2016, en vigor dapi il 1. da fan. 2017 (AS 2016 3925).

²⁶⁹ SR 151.3

3 ...270

Art. 86 Intervenziun d'uffizi

¹ Las autoritads da surveglianza intervegnan d'uffizi cunter l'administraziun irregulara dals uffizis subordinads ad ellas e prendan las mesiras necessarias, eventualmain a custs da las vischnancas, dals districts u dal chantun.

² Las medemas competenzas ha il UFSC, sche l'autoridad chantunala da surveglianza na prenda naginas mesiras u prenda mesiras insufficientas malgrà ch'ella è vegnida intimada da far quai.²⁷¹

³ La procedura ed ils meds legals sa drizzan tenor ils artitgels 89 e 90.

Art. 87 Relaschada e nunreeleziun d'in funcziunaris da stadi civil

¹ Funcziunaris da stadi civil ch'èn sa demussads sco inabels d'exequir lur uffizi u che n'adempleschan betg pli las premissas d'elegibladad tenor l'artitgel 4 alinea 3, ston vegnir destituids da lur uffizi tras l'autoridad da surveglianza d'uffizi u sin proposta dal UFSC ubain eventualmain excludids da la reeleziun.

² La procedura ed ils meds legals sa drizzan tenor ils artitgels 89 e 90.

Art. 88²⁷²

11. chapitel Proceduras e meds legals

Art. 89 Principis da procedura

¹ Sche la Confederaziun na prevesa betg ina regulaziun definitiva, sa drizza la procedura davant ils uffizis da stadi civil e davant las autoritads chantunalas da surveglianza tenor il dretg chantunal.

² La procedura davant las autoritads federalas sa drizza tenor las disposiziuns generalas davart l'organisaziun giudiziala.²⁷³

²⁷⁰ Aboli tras la cifra I da l'O dals 26 d'oct. 2016, cun effect dapi il 1. da fan. 2017 (AS 2016 3925).

²⁷¹ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

²⁷² Aboli tras la cifra II 1 da l'O dals 12 da sett. 2007 davart l'aboliziun e l'adattaziun d'ordinaziuns en il rom da la reordinaziun da las cumissiuns extraparlamentaras, cun effect dapi il 1. da schan. 2008 (AS 2007 4525).

²⁷³ Versiun tenor la cifra II 17 da l'O dals 8 da nov. 2006 davart l'adattaziun d'ordinaziuns dal Cussegl federal a la revisiun totala da l'organisaziun giudiziala, en vigur dapi il 1. da schan. 2007 (AS 2006 4705).

³ Ils collavuraturats dals uffizis da stadi civil e lur persunas d'agid, cunzunt las persunas ch'intermedieschan linguisticamain en connex cun acts uffizials u che traslateschan documents (art. 3 al. 2–6), ubain medis che emettan attests davart la mort u davart la naschientscha d'in uffant mort (art. 35 al. 5), prendan recusaziun, sche:²⁷⁴

- a. els èn pertutgads persunalmain;
- b.²⁷⁵ lur conjugal, lur partenari registrà ubain ina persuna, cun la quala els mainan facticamain ina communad da vita, è pertutgada;
- c. parents e quinads en lingia directa u en lingia laterala fin il terz grad èn pertutgads;
- d. ina persuna che ha represchentà u assistì en il rom d'in mandat legal u privat, è pertutgada;
- e. els na pon betg garantir independenza ed imparzialitad per auters motivs, particularmain en il cas d'ina stretga amicizia u d'ina inimicizia persunala.²⁷⁶

Art. 90 Meds legals

¹ Cunter disposiziuns dal funcziunari da stadi civil poi vegnir fatg recurs tar l'autorità da surveglianza.

² Cunter disposiziuns e decisiuns da recurs da l'autorità da surveglianza poi vegnir fatg recurs tar las autoritads chantunalas cumpetentas.²⁷⁷

³ Il recurs cunter disposiziuns e decisiuns da recurs d'autoritads federalas u da las ultimas instanzas chantunalas sa drizzan tenor las disposiziuns generalas da l'Organisaziun giudiziala.

⁴ Il UFG po far recurs cunter decisiuns en chaussas dal stadi civil tar las instanzas chantunalas da meds legals, cunter decisiuns chantunalas en ultima instanza tar il Tribunal federal.²⁷⁸

⁵ Las decisiuns chantunalas da recurs ston vegnir communitgadas al UFSC per mauns dal UFG. Sin dumonda da questas autoritads ston las disposiziuns d'emprima instanza medemamain vegnir communitgadas.²⁷⁹

²⁷⁴ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

²⁷⁵ Versiun tenor la cifra I da l'O dals 28 da zer. 2006, en vigur dapi il 1. da schan. 2007 (AS 2006 2923).

²⁷⁶ Versiun tenor la cifra I da l'O dals 9 da dec. 2005, en vigur dapi il 1. da schan. 2006 (AS 2005 5679).

²⁷⁷ Versiun tenor la cifra II 17 da l'O dals 8 da nov. 2006 davart l'adattaziun d'ordinaziuns dal Cussegl federal a la revisiun totala da l'organisaziun giudiziala, en vigur dapi il 1. da schan. 2007 (AS 2006 4705).

²⁷⁸ Versiun tenor la cifra II 17 da l'O dals 8 da nov. 2006 davart l'adattaziun d'ordinaziuns dal Cussegl federal a la revisiun totala da l'organisaziun giudiziala, en vigur dapi il 1. da schan. 2007 (AS 2006 4705).

²⁷⁹ Versiun tenor la cifra II 17 da l'O dals 8 da nov. 2006 davart l'adattaziun d'ordinaziuns dal Cussegl federal a la revisiun totala da l'organisaziun giudiziala, en vigur dapi il 1. da schan. 2007 (AS 2006 4705).

12. chapitel Disposiziun penala

Art. 91

¹ Cun ina multa da fin 500 francs vegn chastià tgi che cuntrafa intenziunadamain u per negligentscha a las obligaziuns d'annunzia menziunadas en ils artigels 34–39.

² Ils uffizis da stadi civil denunzian las cuntravenziuns a l'autorità da surveglianza.

³ Ils chantuns fixeschan las autoritads ch'èn cumpetentas per giuditgar las cuntravenziuns.

13. chapitel Disposiziuns finalas

Art. 92²⁸⁰ Utilisaziun dals meds d'informatica vertents

Suenter l'introducziun dal sistem da documentaziun Infostar na dastgan betg pli vegnir duvrads auters meds d'informatica per la documentaziun. Il UFSC regla lur utilisaziun transitorica.

Art. 92a²⁸¹ Access als registers da stadi civil manads sin palpiri

¹ Ils originals dals registers da stadi civil manads per mintga circol da stadi civil ston esser accessibels per l'uffizi da stadi civil cumpetent tenor il dretg chantunal almain durant las suandantas periodas:

- a. register da las naschienschas a partir dal 1. da schaner 1900;
- b. register matrimonial a partir dal 1. da schaner 1930;
- c. register dals mortoris a partir dal 1. da schaner 1960;
- d. register da famiglia e register da las renconuschentschas a partir da lur introducziun.

^{1bis} Ils originals dals registers ch'èn vegnids manads da las represchantanzas svizras a l'exteriur incumbensadas dal DFGP cun funcziuns d'uffizi da stadi civil, ston esser accessibels al UFSC durant las periodas numnadas en l'aleina 1.²⁸²

² Ils originals pon vegnir remplazzads tras purtaders electronics da datas u tras purtaders electronics da datas u tras copias copias legiblas sin microfilm.

³ Sch'in access sin purtaders electronics da datas è pussaivel per communitgar las datas, ston vegnir actualisadas las infurmaziuns tenor l'artigel 93 aleina 1 e las midadas tenor l'artigel 98 mo en la versiun electronica dal register.

²⁸⁰ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁸¹ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁸² Integrà tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

Art. 92b²⁸³ Comunicaziun da datas extratgas dals registers da stadi civil e dals mussaments manads sin palpìri

¹ Las datas extratgas dals registers da stadi civil e dals mussaments manads sin palpìri vegnan communitgadas en la furma tenor ils artitgels 47–47b.²⁸⁴

^{1bis} Las datas extratgas dals registers tenor l'artitgel 92a alinea 1^{bis} vegnan communitgadas dal UFSC en la furma tenor ils artitgels 47–47b.²⁸⁵

² Avant che suttascriber ils documents dal stadi civil che vegnan emess sa basond sin datas arcunadas electronicamain, sto il funcziunari da stadi civil examinar lur conformitad cun las indicaziuns en ils registers manads sin palpìri. Resalvadas restan las infurmaziuns e las midadas tenor l'artitgel 92a alinea 3.

³ L'attest da naschienscha d'ina persuna adoptada vegn emess sin fundament dal fegl da titel integrà en il register da las naschienschas a chaschun da l'adopziun.

⁴ Las personas interessadas pon prender invista da lur atgnas datas en ils registers e mussaments manads sin palpìri, sch'ina altra furma da comunicaziun n'è apparentamain betg raschunaivla.

Art. 92c²⁸⁶ Preservaziun dals registers da stadi civil manads sin palpìri

¹ Ils chantuns procuran che copias legiblas sin microfilm sajan disponiblas fin il pli tard ils 31 da december 2020 per garantir la preservaziun definitiva da las datas documentadas en ils registers da famiglia dapi il 1. da schaner 1929.²⁸⁷

^{1bis} Els pon remplazzar ils microfilms tras tecnicas da l'archivaziun digitala. En quest cas garanteschon els che las datas digitalisadas sajan legiblas a lunga vista fin il mument da lur transferiment als archivs chantunals.²⁸⁸

² Els garanteschon ch'els registers da stadi civil che n'èn betg pli en possess dals uffizis da stadi civil vegnian tegnids en salv permanentamain en in lieu adattà e vegnian protegids cunter mintga access nunautorisà, cunter midada u destrucziun nunautorisadas sco er cunter mintga enguladitsch.

³ L'artitgel 32 alinea 2 regla la garanzia dals mussaments tar ils registers da stadi civil manads sin palpìri.

²⁸³ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁸⁴ Versiun tenor la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronics, en vigur dapi il 1. da favr. 2018 (AS 2018 89).

²⁸⁵ Integrà tras la cifra I da l'O dals 26 d'oct. 2016 (AS 2016 3925). Versiun tenor la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronics, en vigur dapi il 1. da favr. 2018 (AS 2018 89).

²⁸⁶ Integrà tras la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁸⁷ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

²⁸⁸ Integrà tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

Art. 93 Re-registraziun da datas davart il stadi civil

¹ Las datas davart il stadi civil or dal register da famiglia vegnan transferidas en la banca da datas centrala Infostar.²⁸⁹

² Il UFSC decretescha las directivas necessarias.

Art. 94²⁹⁰**Art. 95** Certificat professiunal federal²⁹¹

¹ Ils funcziunaris da stadi civil ch'èn vegnids nominads u elegids avant l'entrada en vigur da questa ordinaziun, ston acquistar il certificat professiunal mo (art. 4 al. 3 lit. c), sch'els èn entrads en uffizi suenter ils 30 da zercladur 2001.²⁹²

² Els ston acquistar il certificat entaifer 3 onns a partir da l'entrada en vigur da questa ordinaziun.

³ En cas excepziunals motivads po l'autorità da surveglianza prolungar il termin tenor l'alinea 2, sche l'execuziun professiunala e fidada è garantida.

Art. 96 Celebraziun da maridaglias e documentaziun da partenadis registrads tras commembers d'ina executiva communal²⁹³

¹ Il dretg chantunal po prevair che tscherts commembers d'ina executiva communal vegnian nominads funcziunaris da stadi civil extraordinaris cun la cumpetenzza esclusiva da celebrar maridaglias, sche:

- a. la maridaglia tras questas persunas correspunda a la tradiziun ed è francada fermamain en la populaziun; e
- b. la scolaziun e la furmaziun supplementara necessarias èn garantidas.

^{1bis} Ils funcziunaris da stadi civil extraordinaris documenteschan er partenadis registrads.²⁹⁴

² L'autorità da surveglianza communitgescha al UFSC – en il rom da sia obligaziun da rapportar (art. 85 al. 2) – las persunas nominadas.²⁹⁵

²⁸⁹ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

²⁹⁰ Aboli tras la cifra I da l'O dals 4 da zer. 2010, cun effect dapi il 1. da schan. 2011 (AS 2010 3061).

²⁹¹ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁹² Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

²⁹³ Versiun tenor la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁹⁴ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309).

²⁹⁵ Versiun tenor la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

Art. 97²⁹⁶**Art. 98**²⁹⁷ Remartgas marginalas ed extincziuns

¹ En il register da las naschienschas ston vegnir inscrites d'uffizi:

- a. reconuschienschas d'uffants sco er lur annullaziun;
- b. adopziuns sco er lur annullaziun; en cas d'ina adopziun sto vegnir remplazzada l'inscripziun oriunda cun in feagl da titel; quest ultim sto vegnir allontanà en cas d'ina annullaziun da l'adopziun;
- c. constataziuns da la paternità;
- d. maridaglia posteriuras dals geniturs;
- e. annullaziuns da la relaziun da figlialanza cun il consort da la mamma;
- f. midadas dal num da famiglia;
- g. midadas dal prenum;
- h. midadas da la schlattaina.

² En il register da las naschienschas ston vegnir inscrites sin dumonda sco remartga marginala:

- a. midadas dal num da famiglia dal 1. da schaner 1978 fin l'entrada en vigur da l'alinea 1 litera f;
- b. midadas dal prenum dal 1. da schaner 1978 fin ils 30 da zercladur 1994;
- c. midadas da la schlattaina d'avant il 1. da schaner 2002.

³ A medem temp cun annullar l'inscripziun ston vegnir inscrites en il register dals mortoris sco remartgas marginalas:

- a. annullaziuns da la decleraziun da spariziun;
- b. revocaziuns da constataziuns da la mort.

⁴ A chaschun da la documentaziun dals suandants eveniments da stadi civil en il register da stadi civil ston vegnir annulladas en il register da famiglia las inscripziuns pertugant:

- a. l'uffant sin il feagl dal bab giuridic, sche la relaziun da figlialanza cun el è vegnida annullada;
- b. l'uffant sin il feagl da la mamma biologica e dal bab natiral, sche la relaziun da figlialanza è annullada pervia d'adopziun;
- c. la natiralisaziun d'ina persuna estra, sche tala è vegnida annullada.

⁵ Las annullaziuns tenor l'alinea 4 vegnan motivadas; fegls ch'èn daventads nun-valaivels tras quai vegnan eliminads.

²⁹⁶ Aboli tras la cifra I da l'O dals 4 da zer. 2010, cun effect dapi il 1. da schan. 2011 (AS 2010 3061).

²⁹⁷ Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

⁶ L'uffizi da stadi civil ch'è competent per la documentaziun annunzia ils eveniments ed ils fatgs da stadi civil tenor ils alineas 1–4 a l'uffizi da stadi civil ch'è competent per l'actualisaziun dals registers da stadi civil manads sin palpiri.

⁷ Ils registers da stadi civil che valan sco archivalias (art. 6a al. 3), na vegnan betg actualisads.²⁹⁸

Art. 99 Aboliziun e midada dal dretg vertent

¹ Ils suandants decrets vegnan abolids:

1. Ordinaziun dals 22 da december 1980²⁹⁹ davart l'attest d'origin;
2. Ordinaziun dal 1. da zercladur 1953³⁰⁰ davart il stadi civil cun excepziun dals artitgels 130–132. Ils artitgels 130–132 da l'Ordinaziun dal 1. da zercladur 1953 davart il stadi civil vegnan abolids dal DFGP cun l'entrada en vigur dals artitgels 22 e 43 alineas 1–3 da l'Ordinaziun dals 28 d'avrigl 2004 davart il stadi (art. 100 al. 3).

² ...³⁰¹

Art. 99a³⁰² Disposiziun transitorica da la midada dals 21 da november 2007

¹ Il mument da l'emprima attribuziun globala e communicaziun dals numers d'assicuranza AVS tenor l'artitgel 8a vegnan las personas inscrites en il register da stadi civil annunziadas al UCC.

² Suenter questa annunzia vegn mintga persuna re-registrada tenor l'artitgel 93 alinea 1 u 2 annunziata al UCC.

³ La procedura per l'attribuziun, per la verificaziun e per la communicaziun dal numer d'assicuranza AVS sa drizza tenor ils artitgels 133^{bis} e 134^{quater} da l'Ordinaziun dals 31 d'october 1947³⁰³ davart l'assicuranza per vegls e survivents.

Art. 99b³⁰⁴ Disposiziun transitorica da la midada dals 7 da november 2012

Sche las premissas per la furniziun da datas tenor l'artitgel 49 alinea 3 mancan tar l'administraziun communal dal domicil u dal lieu da dimora da la persuna pertugada, vegnan communitgadas las indicaziuns fin ils 31 da december 2014 anc sin palpiri.

²⁹⁸ Integrà tras la cifra I da l'O dals 26 d'oct. 2016, en vigur dapi il 1. da fan. 2017 (AS 2016 3925).

²⁹⁹ [AS 1981 34, 2000 2028]

³⁰⁰ [AS 1953 797, 1977 265, 1987 285, 1988 2030, 1991 1594, 1994 1384, 1997 2006, 1999 3028 3480 art. 17 cifra 3, 2001 3068, 2004 2915 art. 99 al. 1 cifra 2. AS 2005 1823]

³⁰¹ Las midadas pon vegnir consultadas sut AS 2004 2915.

³⁰² Integrà tras la cifra 2 da l'aggiunta da l'O dals 21 da nov. 2007 davart l'armonisaziun dals registers (AS 2007 6719). Versiun tenor la cifra I da l'O dals 4 da zer. 2010, en vigur dapi il 1. da schan. 2011 (AS 2010 3061).

³⁰³ SR 831.101

³⁰⁴ Integrà tras la cifra I da l'O dals 7 da nov. 2012, en vigur dapi il 1. da schan. 2013 (AS 2012 6463).

Art. 99c³⁰⁵ Disposiziuns transitoricas da la midada dals 8 da december 2017

Las inscripziuns en il Register svizzer dals funcziunaris da documentaziun (RegFD) tenor l'artitgel 6 alinea 2 ODPE³⁰⁶ ston vegnir fatgas entaifer 3 onns suenter l'entrada en vigur da questa disposiziun.

Art. 99d³⁰⁷ Disposiziun transitorica da la midada dals 31 d'october 2018

Entaifer 5 onns suenter l'entrada en vigur da questa midada po la dunna che ha gi ina spersa u l'um che declera en scrit dad esser il schendrader, annunziar a l'uffizi da stadi civil ina spersa ch'è capitada avant l'entrada en vigur da questa midada e sa laschar emetter ina conferma.

Art. 100 Entrada en vigur

¹ Questa ordinaziun entra en vigur il 1. da fanadur 2004 e quai cun resalva dals alineas 2 e 3.

² L'artitgel 9 alinea 2 entra en vigur il 1. da schaner 2005.

³ Il DFGP fixescha la data da l'entrada en vigur dals artitgels 22 e 43 alineas 1–3.³⁰⁸

³⁰⁵ Integrà tras la cifra II 2 da l'aggiunta da l'O dals 8 da dec. 2017 davart l'emissiun da documents publics electronics e da legalisaziuns electronicas, en vigur dapi il 1. da favr. 2018 (AS 2018 89).

³⁰⁶ SR 211.435.1

³⁰⁷ Integrà tras la cifra I da l'O dals 31 d'oct. 2018, en vigur dapi il 1. da schan. 2019 (AS 2018 4309 5447).

³⁰⁸ Ils art. 22 e 43 al. 1–3 èn entrads en vigur il 1. da fan. 2005 (O dal DFGP dals 11 d'avr. 2005, AS 2005 1823).

*Agiunta*³⁰⁹
(Art. 79)

Dretgs d'access

Abreviaziuns

A	Consultar
E	Endatar
U	Documentar
UFSC + serv. aut.	Uffizi federal dal stadi civil (UFSC) e servetschs autorisads tenor l'artitgel 43a alinea 4 CCS
ACS	Autoritad chantunala da surveglianza dal stadi civil
R SC	Referendari da stadi civil
FD SC	Funcziunari da documentaziun da stadi civil (funcziunari da stadi civil)

Dretgs d'access

Num dal champ da datas		Servetschs cun autorizaziun d'access			
		FD SC	R SC	ACS	UFSC + serv. aut.
1.	Datas dal sistem				
1.1	Numers dal sistem	A	A	A	A
1.2	Tip da l'inscripziun	U	E	A	A
1.3	Status da l'inscripziun	U	E	A	A
1.4	Glistas (vischnancas, circuls da stadi civil, stadis, adressas)	A ³¹⁰	A ³¹¹	A ³¹²	E
2	Numer d'identificaziun da persunas	A	A	A	A
3.	Nums				
3.1	Num da famiglia	U	E	A	A
3.2	Num da nubil	U	E	A	A
3.3	Prenum(s)	U	E	A	A
3.4	Auters nums uffizials	U	E	A	A

³⁰⁹ Versiun tenor la cifra II da l'O dals 28 da zer. 2006 (AS **2006** 2923). Rectifitgà tenor la cifra II da l'O dals 7 da nov. 2012 (AS **2012** 6463) e correctura dals 10 da sett. 2013 (AS **2013** 3021).

³¹⁰ E per adressas sin il stgalim SC.

³¹¹ E per adressas sin il stgalim SC.

³¹² E per adressas sin il stgalim ASR.

Num dal champ da datas		Servetschs cun autorizaziun d'access			
		FD SC	R SC	ACS	UFSC + serv. aut.
4.	Schlattaina	U	E	A	A
5.	Naschientscha				
5.1	Data	U	E	A	A
5.2	Uras	U	E	A	A
5.3	Lieu	U	E	A	A
5.4	Naschientscha d'in uffant mort	U	E	A	A
6.	Stadi civil				
6.1	Status	U	E	A	A
6.2	Data	U	E	A	A
7.	Mort				
7.1	Data	U	E	A	A
7.2	Uras	U	E	A	A
7.3	Lieu	U	E	A	A
8.	Domicil	U	E	A	A
9.	Lieu da dimora	U	E	A	A
10.	Status da vita	U	E	A	A
11.	permanentamain inabel da giuditgar	U	E	A	A
12.	Geniturs				
12.1	Num da famiglia da la mamma	U	E	A	A
12.2	Prenum(s) da la mamma	U	E	A	A
12.3	Auters nums uffizials da la mamma	U	E	A	A
12.4	Num da famiglia dal bab	U	E	A	A
12.5	Prenum(s) dal bab	U	E	A	A
12.6	Auters nums uffizials dal bab	U	E	A	A
13.	Geniturs adoptivs				
13.1	Num da famiglia da la mamma adoptiva	U	E	A	A
13.2	Prenum(s) da la mamma adoptiva	U	E	A	A
13.3	Auters nums uffizials da la mamma adoptiva	U	E	A	A
13.4	Num da famiglia dal bab adoptiv	U	E	A	A
13.5	Prenum(s) dal bab adoptiv	U	E	A	A
13.6	Auters nums uffizials dal bab adoptiv	U	E	A	A
14.	Dretg da burgais/naziunalitad				
14.1	Data (valaivla a partir da/valaivla fin)	U	E	A	A
14.2	Motiv da l'acquist	U	E	A	A
14.3	Remartga tar il motiv da l'acquist	U	E	A	A

Num dal champ da datas		Servetschs cun autorisaziun d'access			
		FD SC	R SC	ACS	UFSC + serv. aut.
14.4	Motiv da la perdita	U	E	A	A
14.5	Remartga tar il motiv da la perdita	U	E	A	A
14.6	Referenza dal register da famiglia	U	E	A	A
14.7	Dretg da burgais u dretg da corporaziun	U	E	A	A
15	Datas concernent la relaziun				
15.1	Tip (relaziun matrimoniala/partenadi registrà/relaziun da figlialanza)	U	E	A	A
15.2	Data (valaivla a partir da/valaivla fin)	U	E	A	A
15.3	Motiv da l'annullaziun	U	E	A	A

